


225
करानी

कुञ्ज विहारी स्मृति ग्रन्थ माला का प्रथम पुष्प



भाग पैलड़ो

लेखक—स्व० श्री कुञ्ज विहारी शर्मा, बी. ए., साहित्य रत्न

प्रकाशक
नगर-श्री
शूरे

संपादक
शोविन्द शर्मा

प्रिन्ट १५०

प्रथम संस्करण
१०००

सं० २०२५ वि.

मोल

~~३००~~

प्रकाशक
 सुबोधकुमार अग्रवाल
 मन्त्री, नगर-श्री
 चूरु

कुञ्ज बिहारी स्मृति ग्रन्थ माला ~~ग्रन्थमाला~~
की छपाई की सख्खात करणियाँ



ग्रन्थमाला को यो पैलडो पुष्प
ई कै सिरजनहार की
अमिट स्मृति नै समर्पण करै है
घणीमान स्युं

- टीप -

समर्पण

प्रकाशक की तरफ से

भूमिका

269268

2-8-1960

पानों

धींसी सुक्कल	१
सेवक भक्त स्वामी	६
बंजु बाबू की बात	११
नौ मण को नाय बाबो	१५
तुलसी राम जी म्हाराज	१६
राम रतन जी डागै की बात	२४
कासमीरी तूस	२७
दलङ्गी सिगड़ोलियो	३०
राजपूत की मांग	३७
छोट्ट म्हाराज की बात	४१
साख रिपियां की बात	४५

कुञ्ज विहारी स्मृति ग्रन्थ माला

के

वर्ग: २० वीं शताब्दी

स्थायी सदस्य बन कर साहित्य सेवा में योग दीजिए

स्थायी सदस्यों को ग्रन्थ माला की प्रत्येक पुस्तक
२०% छूट से दी जायेगी, विशेष जानकारी के लिए
पूछिये—

पुस्तक विक्री विभाग

नगर-श्री, चूरू

चूरू (राजस्थान)

सं० श्री १२३४५

विहारो स्मृति ग्रन्थ

के

बाता ही चालें

ई सदस्य बन का
सेवा में योग दी

हैं को ग्रन्थ माला की प्रत्येक
जायगी, विशेष जानकारी के।



पुस्तक विक्री विभाग
नगर-श्री, चूरु
चूरु (राजस्थान)

स्व० श्री कृष्ण विहारो शर्मा बी० ए०, साहित्य रत्न

- प्रकाशक की तरफ स्मू -



देस के कूण-कूण में बसने वाला कोड़ा न कोड़ मिनखा में
 साखा मिनख इस्या होवे है, जिका की बाता ई चाले । “बाता ई
 चाले” एक राजस्थानी मुहावरो है जिके न लोग धणो ई बापर,
 जिया कोई आदमी आप की ठाडाई को ठरको दिखावे जद या ही
 केवे ‘क इसी करुंगा ससेवड़ी, जिको “बाता ई चालेगी।” ई बाता
 को ठेका फकत बडे आदमियां ताणी ई कोने होवे । मिनख समाज
 में रेवणिये हर घर घिरस्ती, साधु-सन्यासी, लुगई-मोठ्यार, चोर
 बदमास भर छोट बडे सगलां स्मू में जुड़ेही होवे है ।

चुरु जिले में हजारों ही लोक-कथावां कई-सुणो जावे है ।
 ये कथावां सेकड़ो हजारों बरसा से आज ताणी जबानी ही चालती
 भावे है । दादी पोता ने भर नानी दोयता ने बाता केवती । संज्या
 होता ई टावरिया नानी दादी के बार कर फिर उयाता भर बाता
 को सिल-सिलो पीढी दर पीढी चालतो रेवतो । पण या परंपरा
 अब बेगी स्मू बेगी खतम होती जा रेई है । आज का टावरिया
 आपके बडेरा के कन्ने बैठता कनरावे भर बांस्मू दूर-दूर भागे, जद
 बां के पत्ते पुराणी बाता किमां पडे ? इसी तरिया डाढी, दोभी
 भर मिरासी लोग भी आप के जजमाना ने बाता, कहाणियां
 सुणाया करता, पण अब या परपाटी भी जावक टूट रेई है भर
 बां के सागे-सागे आपणे लोक-जीवन को मुंह बोलतो इतिहास भी

खतम होवतो जावै है । लोक-कथावां न नस्ट होतां देव कर ग्रंथ
आं कथावां न भेली कर कं छपाणे को ध्यान भी राजस्थान का
लोग कर रंया है, या चोखो वान है । आपणे चूह स्पूही भाई
गोविन्द अग्रवाल हजारों राजस्थानी लोक-कथावां छपाई है ।

लोक कथावां में ऐतिहासिक कथावां न छोड़कर बाकी का
सारा नांव पंथा कल्पित ही होवै है । घणखरी कथावां तो बिना नांव
कं ही चलै, "एक राजा हो, वीं कं सात वेटा हा....." पण आं
वातां में पूरा नांव-पंथा अर पूरी घटनावां होवै है, ईं खातर
समाज को घणो ऊघड़वां चित्र आं वातां में देखण न मिल । अं
वातां ही इतिहास अर ख्यात को कालजो होवै । भावी इतिहास
का बीज आं वातां में रलेड़ा होवै । ईं खातर आं वातां की रूखवाली
करणे की अर आनं सा'माकर राखणे की भोत जरूरत है । मन्ने
तो आं वातां में भविष्य के इतिहास को हेलो सुणै है ।

इस्यो किस्यो गांव है जिके में १००-५० प्रेरणादायक वातां
न चलती होवै ? कई वातां तो दस-बीस पचास बरस चाल कर
थम ज्यावै, पण कई वातां सैंकड़ी बरसां ताईं पीढ़ी दर पीढ़ी
चालती रैवै अर गुड़कती गुड़कती कठे की कठे ईं पूंच ज्यावै । पण
ज्यूं टेम गुजरै ज्यूं असली नांव पंथा भूली में पड़ता जावै अर साची
घटनावां अर वातां लोक कथावां में मिलकर आपको सागी सरूप
खो देवै । समाज में जद लिखणै पढ़णै को इतणो जरूरत नहीं थो
तो आं वातां न केवता सुणता अठे ताईं ले आया, पण
आपके असली रूप में लिख कर सुरक्षित करणो

घणो जहरी है ।

नगर-श्री के मोटे काम 'जलम भोज ब्रूही गौरव गाथा' लिखने ताणो खोज-बीन करता थका कई गाथां अर कस्बां मे जाणे को मजोग वण्यो तो बठे भान-भात की अनेकानेक बाता सुणन नै मिली । मन होयो, बातां घणमोली है, आनै जहर भेली करणी चाये, नही तो झेलीसाट चली जासी । या बात साय्यां भागै राखी तो सारा ई साथी ई बात की घणी जहरत समझी ।

ब्रूह का मानेड़ा विदवान, नगर-श्री का संस्थापक सदस्य अर म्हाारा हमजोली स्व० पं० कुजविहारी जी स्यूं में आं बाता नै मांढणी की प्ररज करी । विहारी जी का स्व० पिता पं० श्री कानो राम जी बातां का खजाना हा । आपकी जिनगाती मे वे भोत सी भाता तो आप की आख्यां देखी ही अर भोत सी कानां सुणी ही । हर तरै के घादमियां में वे रंया हा, मोर्क-मोर्क की बाता बा के याद हो अर कंता-भी भोत ठा स्यूं । कुजविहारीजी बा कर्न स्यूं सुणेड़ी कई बाता म्हानै सुणाया करता । मैं बांनै कैयो, आं बातां ते लिखकर धपावां । विहारीजी बात मानली अर बातां लिखणी सरू कर दी । पण ब्रेमाता की गति को क्युई बेरो कोनी पड़े । विहारी जी कोई १०-१२ बात ही मूँढी ही 'क बांनै परमात्मा के घर को हुज्जवो भाग्यो अर काम बठे को बठे ई पढ़यो रहग्यो ।

अब नगर-श्री स्यूं श्री कुजविहारी जी की याद नै स्याई बणाणे सातर "कुजविहारी स्मृति ग्रन्थ माला" को प्रकासन सरू

कर्यो गयो है अर पेली-गोत बिहारी जी को लिखेड़ी बातों ही प्रकासित करी जावें है । आगे भी ईं बिधा नें चालू राखणे को प्रयत्न बराबर कर्यो जासी । "बातां ही चालू" के दूसरे भाग की कथावां भी आं लिकोलिया को लेखक लिख कर तयार कर राखी है, जिकी आगलें प्रकासन में देई जासी ।

ईं ग्रन्थमाला नें सरू करणे को प्रयत्न तो नगर-थी स्यूं हो कर्यो गयो हो परा ईं के प्रकासन की व्यवस्था सेठ हगूतमलजी सुराणा करदी, जिकें स्यूं प्रकासन हाथ को हाथ होग्यो, जों खातर सुराणा जी नें घणो धन्यवाद दियो जावें है । हगूतमलजी के सागे बिहारी जी को घणो सनेह रेंयो, ईं खातर सुराणा जी भट सें म्हारी बात मानली । स्व० बिहारोजी को भोत घणें लोगां स्यूं गेरो संपर्क हो जिकां में घणा ईं पूरा सरतरिया है अर आज के दिन रामजी बां पर राजी है । वे लोग चावें तो ईं ग्रन्थमाला नें बराबर चालू राखणो कोई कठिन काम कोनी ।

बातां की भाषा चूरू अर चूरू के आस पास बोली जाए वाली एक दम बोल-चाल की भाषा हो राखी गई है, जिकी खड़ी बोली हिन्दी के भोत नेड़े लागती है । कथावां नें टोपणो के बाद स्व० बिहारोजी आं नें फेरू नईं देख सकया, ईं खातर भाई गोविन्द अग्रवाल आंकी कोर कसर काढ़ कर नई पांडु लिपि बणाई है और पोथी को संपादन फूटरे ढंग स्यूं कर्यो है ।

राजस्थानी का लूँठा विदवान डा० मनोहर जी शर्मा पोथी की भूमिका लिखणे की खेचल करी है, ईं खातर बां को घणो गुण

[४]

मानूं हूँ । पोषी ने टेम पर तयार करणो घर भाप कानी स्यूं ग्रंथ-
माला खातर सदा सहयोग देवता रहणे को उत्साह बिहारी जी का
पणा हिलू घर बुजगं भायसा श्री बिनेसरदयान जी गुप्ता दिरायो,
जी खातर वाने पणो-पणो धन्यवाद देऊं हूं ।

जाणूं हूँ भाप लोग पोषी ने चाव स्यूं धपणास्यो घर ई
ग्रंथमाला नै भागै साहू धालू राखणी मे पूरो सहयोग देवता
रहस्यो ।

सुबोध कुमार अग्रवाल

बूढ़

मन्त्री

२५-१०-१९६८

नगर-श्री, बूढ़



* भूमिका *



राजस्थान मूरा, मतियां भर सतां री धरती है । भठ गांव-गाव में अनेक मूरा-पूरा भर सतवादी मिनख उतरधा है, जिएां री बाता ईं चाले है । बां री कीरत-कया जन साधारण री हिरद में लिख्योड़ी है ।

राजस्थान री इतिहास पर समूची देस गौरव अनुभव करे है भर उरां सूं भेरणां लेवे है । पण ईं महिमामय इतिहास री निर्माण ईं धरती री भाषा-साहित्य सूं ईं होंयो है, ईं तथ्य कानों लोग री ध्यान हाल-ताई-भंली-भांत गयो कोनी, जिए री घणीं जहरत है ।

राजस्थानी-साहित्य रा दो भंग है—विद्वाना री साहित्य भर लोक साहित्य । यां बात खास तोर सूं ध्यान देवण जोग है कं राजस्थानी-साहित्य रा ये दोनूं भंग आपस में घुट्या मित्या है । ईं तथ्य री एक प्रकाशमान उदाहरण राजस्थान री बाता है, जिकी निरक्षर किसानां सूं लेयर बड़े-वर्त विद्वानां री रुचि री विषय रेयी है भर आज भी या सुरचि मिटी कोनी । इए सूं पर-गट होवे है कं राजस्थानी प्रजा री इतिहास-बोध घणो उत्कट है । राजस्थान रा लोग राजवंशां री धीर वीर नर-नारियां न तो आप री बातां रा पात्र बणा ईं रास्या है, पण साथ ही जन साधा-

रण मांय जई भी किणी चरित्र में कोई गुनी देखो तो उण रो साव
रा दूहा अथवा बानां भी चाल पड़ी ।

राजस्थान रै प्रत्येक उनाई में इसो मौखिक साहित्य मिलै है,
जिण सूं उण प्रदेश रो जनता आप रो समय सरस करै अर मांय
ई उण सूं गौरव भी अनुभव करै । इण साहित्य-धारा मांय जिको
चरित्र जितरो प्रकाश देवै, उण रो जस-विस्तार भी उतरो ई
घणो मिले । या क्षेत्रीय-इतिहास रो सामग्री क्षंत्र-विशेष नें घणो
प्यारी लागै तो कोई अस्वाभाविक बात कोनों ।

इण चरित्रां मांय छोटा अर बडा दोनूं ई भांत रा भिन्न
मिलै है । कई व्यक्ति साधारण स्थिति मांय आप रो जीवन-लीला
संवरण करो पण वैं लारलैं लोणां पर आप रो विशेषतावां रो छाप
छोडगा अर लोग वां नें आज भी याद करै है । ये चरित्र इतिहास-
ग्रंथा रा पात्र कोनी वण पाया पण प्रदेश-विशेष मांय तो वां नें
बड़ै-बड़ै ऐतिहासिक पात्रां सूं भी घणो अपरोस मिलरयो है ।

इसै चरित्रां पर पुराणी जमानै रै साहित्य सेवियां रो ध्यान भी
गयो है अर वां रै नांव पर अनेक डिंगल-गीत तथा वातां लिखी गई
है । साथै ई ये विशिष्ट व्यक्तित्व गीतां में भी गाया गया है अर यो
ई कारण है कै राजस्थान रै लोक साहित्य पर भी इतिहास रो ई
गहरो रंग छायाडो है । अठै लोक गाथावां पर कथात्मक गीतां रो
भोत बड़ी महिमा है । जनता ई साहित्य-सामग्री में सदा सूं पूरो
ती रैयी है ।

११ ' ज्यूं ज्यूं समय आगे चाले, समाज मांय नया-नया चरित्र पर-
गट होवें । इए चरित्रां रो प्रकाश जनता में फैलें अर वातां चालें ।
वां रो प्रभाव साहित्य सेवियां री लेखनी रो विषय भी बरए ।

गद्य साहित्य री अनेक विधावां मांय एक विधा रो नांव
'रेखा चित्र' है । रेखा चित्र मांय किरणी विशिष्ट पात्र रो भीतरी
पर बाहरी व्यक्तित्व चित्राम ज्यूं स्वाभाविक रूप में मांड्यो जावें
अर वो पाठकां रें आनं जीवतो-जागतो सो परगट होवें ।

मा बात निश्चित है कं जिए पात्रा नें रेखा चित्रा मांय उता-
र्या जावें, वां रो चित्रण उणीज प्रदेश री भाषा मांय करयो जावें
तो स्वाभाविकता री रंगत पूरी ओप सायं दीपे । घणी खुशी है कं
श्री कुंजबिहारी जो आप री रचना मांय जिए प्रदेश री पात्र लिया
है, वां रो चित्रण भी उणीज इलाकं री भाषा मांय करयो है । ईं
साधन सूं विद्वान लेखक आप री रचना रें ब्यार चाद लगा दिया
है ।

लेखक रो ध्यान समाज रें आदर्श चरित्रां री ओर रंयो है एण
वां रो चित्रण स्वाभाविक झेली मांय होवए सूं ये यथार्थ रंगत
रो रस भी देवें है ।

प्रस्तुत संग्रह मांय लौकिक-कथानका रो आधार लेयर वां
में कुशल लेखनी सूं नयो रंग भरयो गयो है, जिए स्यूं ये ओर
भी एण सरस अर रोचक बरएग्या है । बानगी देखो:—

१-मार्य घर भुजावां पर सिंदूर की मोटी-मोटी लीकां खीची, धोती

को जगां लाल लंगोट करयो और गूड़ी के दाते मांय स्यूं आप
को पुराणी जरी-बिरी कटार काही । कटार न सिंदूर स्यूं पोते,
माथे के लगाय, 'जय भवानी' बोल, मुकुन्जी घर के दार आया ।
अस्नी मान को डोकरो पञ्जीग घर को काल भरव दगग्यो,
उछलतो-कूदतो आप के मेठां को हवेली कानी चातयो ।

(घीनो मुकुल, पृष्ठ ४)

२- संग चालतो-चालतो डूंगरां के बीच एक मैदान में पूंच्यो ।
तम्बू तणग्या, जाजमां बिछगी, दाल-चाट्यां बरणी लागी । लुगाई-
मोठ्यार आप आप के रग-डग स्यूं इन्ने-उन्ने बंठ्या गल्लों करे ।
ठाकर लोग आप आप की तरवारयां बद्ध्यां की एक जगां भुंग-
ली सी बरणा दी अर कुरला फाकरला में लागग्या । नाथ बाबो भी
आपकी चादर बिछा अर मोट सिराणें धर कर विसराम करे
लाग्यो ।

(नो मरण को नाथ बाबो, पृष्ठ १६)

इए उद्धरणों की भाषा-शैली अभिव्यंजनात्मक अर चित्रा-
त्मक है । साथै ई प्रसाद गुण सूं भी भरी-पूरी है ।

इए संग्रह का चित्र सामाजिक-इतिहास की दृष्टि सूं परमो-
पयोगी है अर स्थानीय-इतिहास मांय बां रो महत्व रहसी । आज
सूं ५०-६० बरस पहली राजस्थान का तीन सींवजोड़ जिला (चुरू-
भुंभरगू-सोकर) की जीवन धारा किण रूप मांय वैवती, इए रो
खरो विवरण ई बातों मांय बांच्यो जा सकै है । सेठां रो वैभव
बांरी उदारता, पंडतां रो ग्यान अर बांरी गरिमा, ठाकरां की

[अ]

वार्त्तिक कठोरता अर बां री त्याग शीलता रा अनेक दृष्टांत इण बातों मे परगट होया है अर उण बीते जमाने र जीवन-मूल्यां री भूचो पेश करै है । इण सार तत्व र साथै ई जन जीवन र प्रायः मगल ई अंगों री भांत-मंतोली अर रंग रंगीली चित्रपटो भी ई बातों मांय सहज ई देखी जा सकै है ।

मंग्रह रा घराखरा ई लेख मुण'र मांड्योड़ा संस्मरणात्मक छो चित्र है । इण चित्रां माय जनता र अनुभव री मार समायोड़ो ई कारण सूं ये लोक साहित्य री सामग्री सा भी लागै है अर एणीज भांत सरलता तथा स्वाभाविकता सूं भी भरमा-पूरा है ।

भासा है जनता ई संग्रह नै घणै हेत अर सनमान सूं अपणेश र आपर समय नै सरस बणासी अर साथै ई इण सूं प्रेरणा भी प्रहण करमी । ईस सुन्दर अर रोचक प्रकाशन खातर नगर-थ्री बूक, र साधनाशील कार्य कर्तावां री प्रयास सराहना जोग है । एक दिवंगत साहित्यकार री रचना री इतरो सोवणो अर सुरंगो प्रकाशन कर संस्था आपर पुनीत कर्तव्य री अभिनन्दनीय पूर्ति करी है ।

विसाऊ

दीपावली, २०२५ वि०

डा० मनोहर शर्मा

सम्पादक 'वरदा'



धींसो सुकल

-२४२५-

घ्राण पर झड़ल वाला, मोन में भिड़ल वाला मिनतों की बातें चालें, जद रामगढ़ के धीमें मुकुल को नाव आगें आये बिना सोनी रेंवें । सीकर राज में कदेई यो रामगढ़ कई बाना में घ्राण के पीलो एक ही हो । राव राजाजी का धरमेला राधाकिमन जो पोहार ई नगरी में मगनी बातें मामरय हा । पट्टा पोली तो बा नी बँठक में बप्या ई करता, मुएन में आरव है, काठ-कोरडो भी मेठा के हाथ में हो । इस तरियां पोहार, रुइया, बेमका बगेरा कई घराणा हा, जिनो के पुन-परताप सेती यो नगर सेठाणू तो बाज्या हो करनो, मामें सागें लिछमी की भंगल सुरसती भी अठे बरमा नाई भासण जमा कर बँटी, जिकें स्यू रामगढ़ सेखावाटी की कासी भी कुहाया करनो ।

धीमाराम जी मुकुल बेमका मेठा.....के अठे बगो-पाठ में मे कर मुनीमाई ताणी, मगनो काम सभात्मा करण । निजुग्या की बाव्यां आ के ही हाथ रेंवनी । विदवानां मे बिदयान, भनां मे भला, पण अइज्यावती जठे पूरा परमराम हो हा । एक बार कोई बात नें लेकर आप नाऊं मेंठे भइ के घणी स्यू नृकुलजी भिड बैठया । मचाई को माय देवतां कोई सिर काटे तो धींसो पाछा पग कोनो देवे । दब कर कित्ता दिन जोबागा, या सोच कर दुरी-कठारी स्यू लैम होकर, वाप-बेटो दोन्यू घर स्यू निरुल

पड़्या अर लनकार कर बोल्या, "म्यामने आज्यायो" । आप बेटा दोन्यु भूमण लाग्या, मजोग की चान, मुकुलजी की फंट में उतां की बेटा ही आ पड़्या । हांग बिना के जोग में मुकुल जी बंट ने चीर गेरयो । कालज के ई गहर घाव ने नां वे कटेई कोनी दिखायो, परा ई भगई में मार्य ऊपर लागेड़ी लाम्बी लाम्बी लोकां देवगियां मोकला मिनख आज ताई जीव है ।

एक वन में दो मिघ मार्ग कोनी रहगं मर्क, या वान कही जाव है, म्यात् ई भावना नै लेकर ही कदे पोढारां अर खेमकां में तरणा-तरणी होगी ही । आपको पासो हीणो देखकर, खेमका आपको घर ढक कर रामगढ़ म्यू मममुद दिसावर चल्या गया । दिसावर में रैवतां थकां वरसां का वरम बीतग्या । बूढ़ा बडेरा घरानरा रामजी का प्यारा होग्या । उनां के बेटां पोतां का व्याह-सावा भी बठ ई होया । नई पीढ़ी बड़ी मारी होगी । बडिया जी बतावता के देस मांय रामगढ़ आपणो गांव है, बठ आपणा हेली-नोहरा है, जमीन जायदाद है, जद टावरां के भी मन में आवती, 'क आपां भी देस चालां, बडेरां की भोम देखां । परा तीसां पंतीसां वरस गुजरग्या, बठ आपां ने अब कुण जारौ है ? या सोच कर मन ओठो कर लेवता ।

परा दागै-पारणी की बात, एक चाई की सगाई को संजोग देस कानी ही वणग्यो, व्याह भी देस में करण की पक्की थक्की होगी, खेमका पूरै परवार समेत चाई को व्याह करण वास्तै रामगढ़ । पुराणै सेठां के बेटां पोतां ने आया देख कर गांव का लोग

गङ्गा होया । व्याह की त्धारियां होवण नागनी, पण पुराणी
गङ्गा न मैय कर पोदारा न मैमका को आवणो सुहायो कोनी ।
शेनू मेठा का घर एक गली में पड़ । पोदार सेठ आपके ठाकरा के
हाथ मैमका की हवेली में कुहायो, म्हारी हवेली के आगे ई गली
में गीत नात, जान-बजात को रोतो, बँदो होवंगो तो कोई चडी हो
ग्यावंगी, कोई काम करो जिको मोच ममभ कर करियो ।

मैमका बीतेड़ी बात न तो भूल्या ही कोनी, या नई खबदी
घोर लड़ी होगी । छोरो को व्याह करां कं भगडो करां । बार बार
की भमकियां स्पूँ घबरा कर यो ही मनसूबो कर लियो 'क पाछा
ही जानो । गीत में चर्चा चान पड़ी—मैमका पाछा जाव है । जित्ता
मैर, उती बात । धीमाराम मुकुल के कानां में भी भनकार
लई । भत्सी घरमां को डोकरो आप की खुट्टी में पड़घो हो ।
बात न मावल मुरी, ममभी । विचारण लाग्यो, कोई मिनख आप
के घर में आप की बेटी को व्याह न करै ? गीत नही गावै ? जान
गनी में नही आवै ? या कठै की रीत ? धीमाराम के ठंडे खून में
गमो आवै लागी । सायेडो नमक, चेत्यो, अन्याय को मुकालबो
करा न होवरो वाद स्पूँ लड़घो होग्यो ।

मुकुल म्हाराज आप के सेठा की हवेली आयो, देख्यो बींटा
गाया बध नया है, उदानी सा रई है । आंगण में खड़घो होयो
३३ रीत दिना की एक एक बात बाद भावण लागी । आंसू चालग्या,
एर सोम म्हाराज ने बडे कुण बतलावै, मारा नया ही नया ।
अना देखिना बीमा जगा खड़घा बैठ्या हा ।

जगणें में भीमें मलमल पर बरिषा मेढाणी की निज पड़ी । वाते में सोनर में या कम जाने के पगा पड़ी । धीमागमनी बरिषा ने जाने मेंमर बगलार्त यमीय रेंद । या बात देव कर घर का गारा बगल जाने के पगा पड़या । मुकुल जी की आत्मा मयला न्यूं भर उठा, उं घर की मन पागां यभी बाई आनदियां में राग्यो पड़यां है, भेड भेरी किनो कायदा रागना ? एक एक बात के रागै रंग के कालजें में रेंक भी ऊपटे लागी ।

मुकुलजी बोल्या मेढाणी बाई, में गारी बात मुगली है । या बात भी देख र्यो हें 'क थे पाछा जगणें की त्यागी करो हो, पगा मेरी भी एक बात मुगल्यो । धीमिये मुकुल के जीवनां थकां थे या बात क्यू सोची 'क म्हें एकला हां ? बाई को व्याह अठें ई होवंगो, ठाठ वाट से हांवंगो ! व्याह की त्यागी बेशुभ करो ।

बोटा पाछा कुलग्या, हलदात को त्यागियां होवै लागी । दूजं दिन मुकुलजी मुदियां ही उठया, न्हाया धोया, दो राम का नाम लिया । माथें और भुजावां पर बिन्दूर की मोटी मोटी लीकें खींची, धोती की जगां लाल लंगोट कस्यो और खुड़ी के बातें मांय स्यूं आप की पुरानी जरी-खिरी कटार काढ़ी । कटार ने बिन्दूर स्यूं पीत, माथें के लगाय, 'जय भवानी' बोल, मुकुलजी घर के बारै आयां । लारला सुख दुःख याद आया । अस्सी साल को डोकरो पच्चीस वरस को काल-भैरव वणग्यो, उछलतो, कूदतो आप के सेठां की हवेली कानी चाल्यो । आगै आगै काल-भैरव मुकुल अर लारै गाँव । जलूस सेठां की गली में आकर रुक्यो । आगै काठ

मोरहं के घण्टा का ठाकर जच्या बैठ्या हा । घीसं म्हाराज को
विकरान स्य देव कर एक कानी खंड्या होग्या । काल भैरव
पोदार को हवेनी के घागं खड्यो होय कर जोर सें हेलो मारयो,

मेठ को पोनी के व्याह का गीत भावती सेठाणियां अठ
जर घाव है, कोई रोरणियो होवें तो आज्यावो..... । एक
बर, दो बर, तीन बर हेलो मार कर सुकलजी गनी के ई नाक
स्युं बी नाकं ताई नागो कटार लिया चकुरं नगाव, मरणा मारण
नं कमरं कम राखी, पण मिनस जेद मरणा घोर सेव तो मोत
भी विनारी कांटे ज्याव । आखी गांव भेलो होग्यो ।

गांव का घण्टी बैठक की मोरघां मांय स्युं देखण लाग
रया हा । जोए हा, वामण मर भला ई जायो, मानगो जही, साग
गांव की भायला को भी डर लाग्यो । सेठां न मोरी में खड्या देख
बर मुकुल सें जोर स्युं घाड्यो, सेठां, घीसियो मुकुल त्यार है,
कोरं टाकरा ने हुकम द्यो..... ।

मेठ बान न विचारी, बैठक स्युं बार आया अर सुकलजी
को हाथ पकड़ कर घीस को बैठक में लेग्या । सेठजी सुकलजी
ने टा-भीठा करघा अर बोल्या, धारो ई पोती को व्याह घण
उघाव स्युं करो, व्याह को सारो मेचार में भरे हाथ स्युं करस्युं ।
टाई को होको डींग न फाई । घीस मुकुल को भवानी के
राज स्युं व्याह का सारो नेगचार पोदारजी के हाथां स्युं होया ।
घना पर घड़ल वाल, मोन स्युं मिड़ल वाल घीस मुकुल को
घने ताई बाती ई चान है ।

सेवक मत्त स्वामी



(पिताजी बीगा बग्गा लागी रामगढ़ में रया हा। क्यूँ देखेड़ी, बयुँड सुणेड़ी मोवली बाना बांके याद हो। काली माई (चूह) के मंदर मांय पुजारी बग्वा, सेठ मोभागमजी की उग पर गहरी सरदा हो। सरीर टीक न रहण के कारण काम छोड़ण के उपरांत भी वै जीया जित्ते सेठजी बां नै पूरी ननखा देता रया। ई परसंग नै ले कर एक दिन पिताजी मन रामगढ़ की एक बात कैई, जिकी नीच लिखी जावै है—)

रामगढ़ में रुइयां को घराणो घराने नांव जादक रयो है। घन अर घरम दोन्यां स्यूं भरयो पूरयो। सेठाई की घाई गाजती। सेठां की हवेली मांय घणई नोकर-चाकर, ठाकर, जमादार, पंडित पुजारी अर मुनीम गुमास्ता रैवता। ढाकास कानी को एक ठाकर भी टावर थको आं हवेलियां में रैवतो आ रयो हो। नई पीढी तो ठाकरां के आगे ही जामी ही। जिकै बाबू की ये ठाकर हवेली हखालता, वो तो आं के हाथां में ही जाम्यो हो, टावर परां में बो ठाकर बाबू कन्न ई सोवतो, बांके सागे ही जीमतो, बजार जावै तो गोदी में, घरां आवै तो खवै पर।

बाबू तो ठाकर नै बाबो ही मानतो, माइत की ज्यूं ही राखतो, पण पराई जाई, बाहर सें आई बीनणी ई बात नै के जाणै?

बी के भावं तो और नोकर हा जिसो ठाकर हो । बाबू का पोतडा तो बाबो आपके हायां घोया होसी, पण बीनणी जो ने घो मांयला घेवर कद खुआया हा ? ठाकर के एक बेटी हो, ब्याई थ्याई । अब तो ठाकरा को डेरो सेठा की हवेली मे ही धो, अठ ई कासी, अठ ई काबो । दिना नै जाता के दार ? ठाकर सत्तर से ऊपर टिपग्या, जिरधा ठिरधा रैव लाग्या । हालण चालण की हिम्मत कोनी रैई तो पोली मे माचो घाल्या सूत्या रैवता । बीमार अर बूढो भादमी जठ पड़घो रैव, बठे ही पुके, कुरला कर । बीनणीजी नै यो सूल-वाडो मुहायो कोनी । दूसरे नोकर स्यूं कृहायो 'क बाबोजी ने कहदे-आपण घोडा हाल' नोहर मे आपकी खाट घाल सेव, बठे आराम रहसी, पोली मे सार दिना भावां जावां । नोकर ठाकरां नै कई, होल' होल' दुसक चालो, नै नोहर मे घाल्याऊ, बठे ई रोटी पूंच ज्यातो ।

ठाकर कोई टावर तो हो कोनी, नाङग्यो । सोचण माग्यो, ई पोली की रुखासी मे जिनगानी गालदी,इब हाण यवया सां घोडा हाल' नोहर मे चालो । साची कई है, बाणियो भीत न बेसा सती ।

डोकर आप की डांगडी संभासी घेर गिरतो पड़तो पंडिया उतरग्यो । बालावण मे छोडेडी, बिसरायेडी आप की जलम भीम याद घाई । जिया तिया चाल कर बजार के चोपट आयो, मोच्यो कोई गांव को ऊटियो मितग्या तो बी पर पड़ कर गांव को नाकां सेलेऊं । आज ठाकर ने कई बातां का घोमां घाई है ।

बिना धान इतना म्य मनेनी पाया । गोनी में मानो
मानो देना कर नाकर नै पड़यो । प्रयत्नी मिल्यो, म्यान् नोहर
कानी गया होयगा । बाबू धोखा, बड़े बय ? में तो बंदजी नै हवेनी
आनग मानर कैयो है, जा अभी बुला कर ल्या । नोकर नै बेरो हो
के ठाकर नोहर में नउ है, ई मानर मोयो बाजार कानी गयो ।
ठाकर जोधटे पर बैठवा होला । नोकर हेली जानगे की बात बई
नो ठाकर बोख्यो, ना भई अब की एक बर गांव ई जास्या । बाबू नै
कह देई, होयो करम की सामग होमी तो भीन् आज्यास्य ।

नोकर हवेनी आ कर बाबू नै मुग्गी जिगी भारी बात
कह दा । बाबू के मन में बड़ी विचार आयो, या कियां होई ? ये
लोग बाबू नै क्युई कह तो नहीं दियो है ? बीनगी क्युई उतावली
की बोली-जी म्हे तौ क्युई कैयो नी, इत्ती बात तो ई के हाथ जर
कुहाई ही के पोली मांय कर मारै दिन आवां जावां, ई खातर थान
नोहरे में घलाइयां, बठे आराम पास्यो । पग ठाकरा में तो ठसको
थणो, इत्ती सी बात पर ही गांव के गेल पर जा बैठ्या ।


बाबू के सारी बात समझ में आ'गी । कुड़तो पाछो पैर्यो,
पगड़ी सिर पर धरी अरें उतावला सा बारै नीकल्या । बाबू कनै
जाय कर बां के सारै सी नीचै धरती पर बैठ्या । पूछ्यो, गांव
जावो हो के ? बाबो भर्यो बैठ्यो हो, बोल्यो कौनी गयो । बाबू
की बोली भी भारी हो गी । बोल्यो, "उठो, घरी चाली ।" बाबो
गोडा में गड्डो आप की सिर ऊंचो उठायो, लाल लाल आंखों में
आंज पैली बार आसू आया हा, क्युई लाचारी की, क्युई अपराधत

(१०)

• बाबां ही नालें •

"बोलो, के मनस्यो है ?" ठाकर उभलो दिगो, मनस्यो याही है के तेरे हाथां में अब नल्यो जाऊ । आप को हाथ बाबू के हाथ ऊपर मेल कर ठाकर बिलख पड़्यो ।

मुड़ कर देख्यो गिरणी मझी बीनगी पत्तो भर्लु है । ठाकर बोल्यो, जा बेटी, भायें न जीमण परोम अर मन भी थोड़ी नो दलियो करदे । बाबू बीन में ही मुलक कर बोल्या, दलियो बेगी नो कर दे, बाबी ने गाव जागो है । बाबू की बात सुण कर आंगणो हंसण लाग्यो, खभा नाचण लाग्या ।



वैजू वावू की बात

रामगढ़ के रुइया मेठ हरनन्दराय जी के बेटों की मुखिया गद्दी मुम्बई में ही। मुम्बई में बड़े घरा की रीत भुजब बाड़ी में ही ठाकुर बाड़ी भी होया करती। हरनन्दरायजी का बेटा बंजनाथ बाबू की बाड़ी के ऊपरलें माल में ठाकुर-बाड़ी घणै चावम्यू बणायेडी ही। पिताजी कैया करता, ठाकुरजी के सिधामण में माचा हीरा जडेडा हा, धार्मिक घराणूँ हौ, लिछमो की पूरी किरपा ही। पंडितई ठाकुर बाड़ी का पुजारी हा, बाड़ी में सै कोई बा नै बाबोजी कैवता। बाबू बंजनाथजी तो घां के हाथा में ही जाम्या हा। विद्या, बुद्धि अर सरल सुभावके कारण पंडितजी को पूरा मान तान हो। सेठां के टावरों का मगाई ब्याह घां की मल्ला म्यू होता, पंडितजी आपकी घणमरी ऊमर ई घर में माली ही।

बंजनाथ बाबू की बीनली ठाकुरजी का दरमण करण नै रोजीना नेम ह्युं उगर जावती, पण मोड़ो घणो कर देवती। बूढा पंडितजी झड़ोक्ता झड़ोक्ता आखता हो ज्यावता। एक दिन बीनली जी और भी देरी म्यू पूछा तो पंडितजी बीनली नै धीरै सी ममभा कर कही 'क छोडा मुदिनां दरमण कर लिया करो तो ठोक रूँ, पण बीनलीजी दोरो मानग्या। मन में मोघ्यो, ठाकुरजी म्हारा, म्हे ठाकुरजी का, जर्ध जद भावां, सँ मोलमों देगिया बुण? बीनली-जी आगलें दिन दरमण बन्ण नै रानी गया। पुजारीजी भगवान

• बातें ही चालें •

(१०)

को चरगामृत नीचे ज़्यादा तो बीनगी पीट पर बैठी ही मोटो मूँह करचा, आर्ट हाथ न्यू चरगामृत ले लियो ।

पंडतजी मन में बिनागो 'क' यत्र यटं रहर्ग में भद्रक नहीं है, कैयों भी है, "मीन खीन जव देखिये, तुर्ग कोजिए कूच" । पंडत जी आपकी धोती गमछो नाग में दाव्यो अर रगोइये म्हाराज नै ठाकुरजी के भोग लगावग की कह कर बाड़ी न्यू बारें निकल गया ।

बाबू बैजनाथजी गद्दी से बाड़ी आया । नदां की ज्यू कपड़ा बदल कर जीमता नै चाल्या । आं के नेम हो 'क' ठाकुरजी को परसाद लेकर ही जीमता । एक बाजोट पर आप, अर नारै ही दूसरी पर पुजारी जी जीमता । पग आज पुजारी जी दीव्या ई कोनी । तपास करण पर बाबू नै मारी बात की ठा पडी तो बिना क्यू ई कैये सुणे ही खूटी तारा कर मोग्या । बीनगी भी के करै ? बली को सुभाव चोखी तरियाँ जागै ही । आप कुमाया कामड़ा, की नै दीजे दोष !

मालिक जद घर में भूखो सूत्यो, जद दूसरा किस तरियाँ जीमै ? मुनीम गुमास्ता आया, जोमणै को आग्रह घरों ई करचो, परा बाबू को एक ही जवाब हो, बाबो कैंट ई भूखो बैठचो है, वीं नै ढूँढ कर ल्यावो । दुःख स्यू बाबू की आंखियाँ लाल, अर बोली भारी होगी । भाग दौड़ सरु होई, परा मुम्बई जियाल की महा नगरी में यू के पत्तो चालै ? आखर दिन छिपतां एक मुनीम नै समदर कै पुजारी जी संध्या करता दीख पड़्या । मुनीम-

जो हाथ जोड़ कर पंडितजी ने नांगी बात मुण्डाई, घर में पूरे तनियो हो रैंगी है। पंडितजी को मन तो मोम हो, आच लागताई' पधन्यो। भट देसी आपको आमग ममेट कर काख में लगायो घर मुनीमजी के साथे हो लिया

रोही स्पू आयेडी गाय जियां आपके बाछडिये कानो चालें, जियां ही पुजारीजी मोधा बाबू के कमरे कानी गया। 'क्याह' घाल्यां में 'क्यार' क्यार धारा चाल पड़ी। पुजारी जी बाबू को हाथ पकड़ कर बोल्या, चाल जीम। वंजनाथजी उठकर भागण में आया, मूठे पर आप बैठग्या घर आप के 'म्यामन' एक चोको पर पुजारी जी नें बैठा कर बोल्या, एक बात पूछू ? पुजारी जी भरे गले स्पू बोल्या, हां पूछ। वंजनाथजी पूछयो, "मेरी गगाई मातर कन्या दूँडण नें सेठ गया हा 'क' ये गया हा ?"

"मैं ही गयो हो।"

"मेरी मां थाने लड़की के वारे में पूछयां जद ये के कैंयो हो ? याद होवे तो बताओ। मैं जद संरने ही सझयां हो।"

"या ही कैई ही 'ब' लड़की के है, लिछमी को रूप है, घणी मोवणी मरूप है, स्याणी है घर गुशीले है।"

"जद थाने या बात मानणी चाये 'क' थारे कहणें में, मरगणें में, मेरा मा-बाप ई लिछमी नें मेरे पत्न बाधी।"

पुजारीजी नें उधलो कोनी आयो, जद बाबू केले बोल्या, "बपूजी, अब या लिछमी मोटो मूंडो करयो जद ये घर छोड कर कियां भाग्या ? ई घणी मायर मरूप लिछमी नें घडे त्याय कर गल्या

• वातां ही चाले •

(१४)

को श्री गणेश तो आप करो अर भूख मरणां को भागी में वणू ?
आलमों तो मैं आपनै देवतो 'क किमीक सुशील, म्याणी.....।'

जरा सी जल्द बाजी के कारण गह को भिर चेल के
स्यामनै भुक्तो जावै हो, मुनीम गुमास्ता सारा चियाम होया
खड़्या हा, खंभे आलै वीनणी की सुवकियां सुणी तो पुजारी बावो
हलवां सी उट्या, वीनणी के सिर पर हाथ फेरयो अर लाड स्यूं
बोल्या, जा बेटी, थाल परोस, ठाकुरजी के भोग लगावां ।

नौ मरा को नाथ बाबो



रामगढ़ का सेठ आपके पूरे अमलें नमलें मुधा नाथ दुमर की जात्रा पर जा रेंया हा । रामगढ़ तो नामिक सेठाणो रेंयो है । दूर दूर तीई का लोग जाणना, मेठ चालें तो लिछमी भी मागे ई चालें । जात्रा मे मेठा के मागे दमा ही बन्दूक तलवार धागे ठाकर, मोकला नोकर चाकर, रसोया, नाई वगीरा । मुनीम लोग अगाऊ बंदोबस्त में नाग रेंया । रय, बंसी, ऊट-पूरो लबाजमो, घर कू चा घर मजला बगी ।

बूंटिये का नाथजी म्हाराज भी नाथ दुमर की जात्रा पर जा रेंया हा । नांव तो बांको स्यात् नौरगनाथ हो, परण डोल का भोत भारी हा, पिताजी बांया करना 'क नाथजी में नौमण उजन हो, स्यात् ई खातर ही लोग बांनं "नौ मरा को नाथ बाबो" बांवना । भारी भीमकाय, लाल चट्ट, लगोट कस्या, हाथ मे झाड़ी को मोटो मोटो, घर काग मे माला मणियां की भोली निमा नाथ बाबो भी रस्ते मे मेठा के मागे होग्या ।

एक जगां रंवलियां मिनस स्यात् बारा बरम मार्ग रह कर भी आपसरो मे कोनी बोले बतलावें, परण परदेन में बंई भाद्रमियां मे भट अण्णापो आज्यावें, मुख दुःख का नाथो दण्ण ज्यावें । मेठ को घर फक्कड़ को के जोड़ो ? परण रात दिन की बोल बमबावरा स्पू मना में ममता पंदा होगी । तम्बुमां नें डोवण्ण गानर बढीने के

• बानां ही चाल •

(१६)

ही एक राजपूत को ऊँट भाड़े करेदो हो, वो गैला घाटा भी जागी हो। गरीबदियो गो राजपूत आपकी बोली भी तनवारड़ी लियां ठेठ स्युंई भाड़े पर चाल्यो आग्यो हो।

गंग चालनी चालनी डूंगरां के बीच एक मंदान में पूंच्यो। तम्बू नगग्या, जाजमां, बिछगी, दाल-चाट्यां बगै लागी। लुगाई मोटचार आप आप के रंग ढंग स्यूं इन्नं उन्नं घेठ्या गल्लां करे। ठाकर लोग आप आपकी तरवार्यां बन्दूखां की एक जगां भुंगली सी बरणादी अर कुरला फाकरला में लागग्या। नाथ बाबो भी आपकी चादर बिछा अर मोट भिरगर्ग धरकर बिसरगम करे लाग्यो।

इतगै में एक ओपरो आदमी बिन्म हाथ में लियां खीरी लेवण नै डेरै में आयो। साधारण भी बान ही कुण ध्यान देवै हो? पण वो भिनख भीको पावनाई बन्दूख अर तरवारां की भुंगली पर ताचक कर पड़्यो अर सारी की सारी बन्दूखां तरवारां की बांध भर कर हिरण होग्यो। अररर.....वो जा, वो जा होई, पण बीकै लैर कोई भाग्यो कोनी, सारा जग्ला ही खाली हाथां हा। जरा सी देर में ई स्यामनै भाड़ां मांय स्यूं दसां ई तगड़ा २ जुवान हाथां में बन्दूखां ताण्यां वठै आ ऊभा होयो।

सूत्यां की पाडा जरणगी, अब के हौवै ? वै लोग सेठां के ठाकरां नै लैण स्यूं सुवा कर बां कै उपर गाभो उढ़ा दियो। बन्दूखां की नाल बां कै सिरां कानी कर कै, दो आदमी खड़्या होय्यो, हात्यानीं अर गोली मांय कर काढ़ीनीं। धाड़व्यां नै मिटाई सेठाण्यां नै चपक चपक चूटली, बाकी का लोग सारा एक

कानी बैठधा, कोई साम ई कोनी काढ़े । नाथ बाबो भी बोल
बालो बंठयो देखे ।

एक वाई के पगां में सैकड़ो भर चादो की माट ही, डाकू
रोज लिया, दगा कड़ी नीसरी कोनी । देर लागती देखकर एक
बोल्हो, "न मीकल तो राड को खुरडो काट कर काढ ले ।" दूसर
भट तरवार काढी । डर के मारे बिच्यारी बार घाली । बा नाथजी
कानी देखकर कूकी, बाबा, मेरो पग काटें है । तरवार स्यूं नली
कटती देखकर बड़ सै सूरमा का होम हिरण हो ज्यावै, बा तो
बिच्यारी लुगाई की जात ही । डाकू आपकी तरवार उठावै ई हो
'क सैरई नाक स्यू एक गरजनामी होई, "अब नही सैयो जावगो"।
भीम काय नाथ बाबो बाघ को ज्यू ऊछल्यो भर आपको मोट
घुमाकर तरवारिये कं भीड़ पर दे मारयो, बो तो बंठई डेर होग्यो ।
अब बाबो आपको मोट जोर स्यू घुमाणो मरु करयो, जठ पड़
सूसल, बंठई मेम कुमल । तीन च्यार बंठई लाम्बा होग्या । बाबं
न मच्यो देखकर वो भाडेती राजपूत भी आपको बोदी सी तरवार
सूत कर रण क्षेत्र में कूद पड़यो । बात की बात में पासो ई पलट
ग्यो । बन्दूकां पड़ी रंगी, तरवारा धरी रंगी । डाकू मरधा जिका
मरधा बाकी का बोजां पग देग्या ।

अब ठाकर लोग बैठधा होया, भाग्या भर लुक्का जिका
भी आकर भेला होग्या । सेठ आपको झीरा जड हार उठा कर बाबं
के गलं मे घालणो बायो, पण बाबो पांच पांवड़ा ओटो मरक कर
बोल्हो, सेठकपु डं देणो है तो डं मरीद राजपूत नै दे निको

• बातां ही नाले •

(१८)

आठ आना रोजीना के भाई ऊपर आयो. पर आपकी ज्यान त्याग कर लइयो, ई का तो लुगाई टावर गल जयाता । म्हागे के म्हे तो फक्कड़ हां ।

तुलसीरामजी महाराज



रामगढ़ की घातां कैयां हो जाओ, नवेड़ आवं ही कोनी । ई भोम को किस्योक ऊदो जाग्यो हो, किस्याक किस्याक दानी, मानी भर ज्ञानी पुरप अठे पैदा होया, आय कर वस्या । हस जिया मान-सरोवर पर आवग्यो आवे बियां बडा बडा मन्त महात्मा भी ई नगरी में दूर दूर स्थूं निवास करण न आवता ई रैवता तुलसीराम जी महाराज भी वां हंसो मांय स्थू एक हंस हा, हम के परम हंस हा । सिद्धमी के रमभोल मे रहकर भी सिद्धमी न आपके मङ्गल कोनी दी ।

सेठ हरनन्दराय रुड्या रामगढ़ का राजा जिनक हा । भरघो भंडार, पूरो परवार, पण सेठ पाणी में पोयण की ज्यूं एक दम निरलेप हा । बेली मे बैठकर आपकी हवेली स्थूं नौहरं जावता जद टावरिया, "दो रिपिया बाबाजी, दो रिपिया " कैवता गैल हो ज्याता । सेठ हाँसता २ एक आंगली उठाकर कैवता, "एक रिपियो" । टावरो को मतनव हो तो 'क बाबोजी की बिरमपुरी में दिछणा का दो रिपिया मिलंगा, पण सेठजी को कहग्यो थो- एक रिपियो मिलंगो । किस्याक भद्रीक भिनख हा ।

सेठ आपको ज्ञान ध्यान निरवाला नौहरं में ही करधा करता । बैठे ही आपके वास्ते पांच खण्डी चन्नण मंगवा कर घर राख्यो हो,

अन्तेष्टी में जस्मन पढ़ेगी । मेठाणी जी ई वान स्यूं नाराज र्वता, यो के मूग काटयो, जीवना थकां ई कोई मुसाणा मंगाया करे है के ? शान्ती मागर, मेठ होन् भी कहना—ये थारा मूग चोगा गखो, आम्बर म्हाने तो ई काठ में ही जागो है ।

तुलसीरामजी म्हाराज आं सेठां के कर्न र्वता । सबेर संज्या ज्ञान चर्चा होती । दोपारां की टेम में म्हाराजजी मस्कृत पाठसाला (छंतरियां में) पढ़ावता । पचासां विद्यार्थी बठई र्वता, बठई जीमता । मेठां की तरफ स्यूं पूरो बंदोबस्त हो । इसी कई पाठसाला जाल्या करती । न तो शिक्षा विभाग हो अर न हजारों अफसर हा, तो भी बडै बडै विदवाना स्यूं देस भरयो र्वतो । त्यागी गुरु, अनुरागी सिष मिल ज्यावें जद ज्ञान गैल गैल फिरै । म्हाराज जी सेठां का ग्यान गरू ई कोनी हा, घर बिद की सारी बातां का भेद भी हा । हर काम में बां की सल्ला ली जाया करती । सेठ जाणता, आं स्यूं बुरो बिगाड़ कदेई नई होवैगो, होवैगो तो भलो ई होवैगो ।

एक बार लुगायां की खट पट स्यूं बेटां में न्यारा होवरण की नोबत आ'गी । सेठाणी बार बार सेठजी नै कँवै, परा सेठ ई जंजाल में क्यूं पड़ै ? करणियां धरणियां आपै ई आप आपकी नमेड़ो । सेठाणी जादा कैयौ जद एक दिन सेठ बोल्या, तुलसीरामजी म्हाराज नै कहदयो, बै बांटा-बूँटी कर देखी । या बात बडोड़ी बीनणी के जच्ची कोनी । बोल पड़ी, तुलसीरामजी आपणै घर की के जाएँ ? बै किसै दिन हीरा-जुंवारात मुलाया हा, हेली नोहरा लाया हा ? ये तो आपणै अठै ई बडा सारा हो रैया है, आणै




• बातां ही चालें •

(२३)

महाराजजी बठेई बिराजग्या । कैंयो जावें है 'क' बठें बैठ्यां बैठ्यां
ई ब्रह्मरन्ध्र स्थूं' उंनं का प्राण प्रस्थान कर ग्या । चमत्कार दिखा
कर महात्मा परमात्मा मे जा मिल्या ।

विदवान सगल ई पूज्या जावें है, ईं बात नें दुनिया देखी
पर आज ताणी बातां ईं चालें है ।



राम रतन जी डागे की बात

[सदा की जय एक दिन वंश चन्द्रदेवजी जो व्यास (पक्कड़ बाबो) नगर-श्री में पधारया, म्हे बडे ३-४ जगां पंची स्य मोजूर हा। फक्कड़ बाबं स्य वीकानेरी लहज में बान मुगन को म्हारो मन कर ही वोकरे। गहु बाबं, कुचिये कार्क जिस्या महामहिमां गी बातां के सागे सेठ रामरतनजी डागे को भी प्रसंग चाल पड़्यो। सेठां की कोमल विरती, भायां-भायां की गहरी ममता कैवनां-कैवतां बाबो गलगलो होग्यो, म्हे सुगनियां भी चियाम का.....। बात कालजै मांय स्य निकली अर कालजै में ही वंठगां। इच्छा होई लिखां, परा बाबं की कांणे गंत तो न्यारी ही है।]

वंसीलाल अबीरचंद फारम देस दिसावरां मांय भोत ही मानीजतो फारम है। अबीरचन्दजी का छोटा भाई बाबू रामरतनजी डागा ई परवार का परभाते नाम लेवण लायक मिनख हा। वीकानेर न देख कर धारा नगरी को ध्यान हो आवतो, जठ राजा भोज अर वीकी सभा का नोरतन होया करता।

अबीरचंदजी अर रामरतन जी की जोड़ी राम-लिखमण की सी ही। भाई-भाई सानी ई रंवता, सागे ही जीमता। फारम

को काम मोकली जगां हो, परण रामरतनजी कदे काम गम्हालन नें दिसावर कोनी जाता । अवीरचदजी चावता हा 'क भाई आराम स्यूं घर पर ही रवं. म्हारें थका ईकें ऊपर कंई तरह को बोझ क्यूं पडे? नगर में सेठ घूमण निकलता अर कंई घर मे व्याह सावो या सरव कावो होतो देखता जणा ओलें ही बेरो पडावता 'क ई भाई कं कंई रुकम की कठिनाई तो नई है । जरूरत समझता तो आपं ई मुनीम के हाथ जरूरत पूरी करवा देता । गद्दी मे बंठ्या होवो, चाहे पूजा करता होवो जद भी कोई याचक आ ज्यावतो तो हाथ को उत्तर ही देवता, अर ईनै वं भगवान सकर को हुकम मानता ।

एक बार सेठ आपकी कोटड़ी (नोहरी) में सबेर की टेम तेल मालिस करावें हा । एक विरामण कं बेटी को व्याह थो जिवो थो व्याह खातर पीमा भेला करण नें नीकन्यो । सेठां कन्नं भी पूज्यो । कागद कलम कन्नं क्युई हा कोनी, एक ठीकरी पर कोयल स्यू १) मांड कर विरामण नें ठीकरी देदी अर कंयो 'क मुनीमजी कन्नं जा कर ले लेवो । मुनीमजी देख्यो भिगमंगो है, मो आपकी बाण बरती अर विरामण नें घठन्नी देकर टालणो चायो । विरामण पाछो सेठा कन्नं गयो, सेठ १ पर ० चढ़ा कर १० रिपिया लिख दिया, परण मुनीम मान्यो कोनी । बामण केरुं सेठां कन्नं गयो, सेठ एक बिन्दी ओर चढ़ादी । एकें ऊपर बिन्दिया चढ़नी गई घर सख्या दस हजार पर पूगगी, जद मुनीमजी कन्नं बंठ्यो एक स्थानो आदमी कंई 'क मुनीमजी डबके विरामण नें पाछो भेजोगा तो रिपिया पूरा १ साप्प देवणा पड़ेगा, धभी क्युं दे देवो नी ? वान

मुनीमजी को समझ में आया और उन्होंने इस प्रकार विग्रहण में
इस वचन को बोझों से लोटा ।

मेढ नहा लो कर संगोलाय, गौरी मंदार के मन्दर में दग्गल
नग्गल में जाया करवा यह दग्गल यह के हवेनी आवना, हवेनी
पर मानक लोग आयेदा होना जिकी ने वे दानपुन देकर जीमता ।

मुनीमजी के मेढ में आज गन्धर्वों चाल रंगोहो, जाली
हा आज नोकरी जासी । रामरत्नजी भी ई बात ने लखवा अर
मुनीमजी ने धीरज देवता मुलक कर बोल्या, मुनीमजी डरोमत,
संकर भगवान को बोही हुकम हो ।

कासमीरी तूख

—१३६—

जिवा मिनग घाण की मारो जिनगानी मिनगा चारै हूँ गुजारी, वों की जिनगानी में एक दो नई, मंरुदा बाता। दूमी निर जिरी बाता की बाता हूँ चालं। मेठ गमरननजी डारं की भी हंगी घगी बाता है, एक बात ऊपर देई है, दूसरी नीचे देई जाय है—

मियाल का दिन हा, ठठार पड़, धूमली घुटं। मेठ गमरनन-जी घाण की बंठक में कीमती तूख घोड़्या, निपही ग्यामी बंठ्या हा। एक बामल काटेडी चगरगी घर मंती भी धोती पंर्या मेठा के दुमारै या गहपो होयो, बोन्दो, “गो मरू है मेठा, कोई मोह मिरग दिराघो।” मेठ न जाल के मोह रया हा, बांदा कीनी। बामल केर बोन्दो, “कोई करहो निरगो बाल, धाहु”। पल बाज केर छल मुली होगी। बांदा देवता बहो घाना मेहर घागो हो, पल मेठ जानाई ई कीनी होयी। भाव मरगो दुहने बान गहपो “घाण भी तून में मरह हो रेंगो है, डारं मे के हो-हं है, घो बरू जालं।”

मेठ हांग गहपो, बदाइ घाण की घरग करे हा। जवाहार के हाथ की में घागो दुवायो। मेठ गहपो होर, कुब उरग कर घाण भाव हूँ बांदा के हाथ पर घर हो। बांदा घागे-हं है, बन्दो मदी। तून बहोई जाले की की है। एक दोरे करने करने में, दु-दु-

• वातां ही चालें •

(२८)

कीमती तूम भट से उतार कर देदी, या बात रामरतन जी की भाभी ने मुहाई कोनी, बोल पड़्या, कमावे जद वेरो पड़े।

भाभियां के तानां से दुनियां में किता'क देवर घायल होता आया है, के गिराऊं ? आ पगई जाइयां के कारण घणखर घरां के आंगणों के बीच-बीचां भीतां खड़ी होगी। भीत के भी कान होव। बात राम रतनजी ताई पूंचगी, सुण कर बां के मन में विचार खड़यो होग्यो। मिमरी में फांस क्रियां खटावे? सरल भाव स्यूं सोच्यो, भाभी ठीक ही तो कंव है, दूबरां को कुमाई पर दातारी दिखाणी कुणसी भली बात है ?

सागें जीमता जीमता रामरतन जी भाईजी से बोल्या, "मैं दिसावर जास्यूं, कुण से दिसावर जाऊं, आप हुकम द्यो।"

भाई जी पूछ्यो, "दिसावर क्युं ?"

बोल्या, "इच्छा होगी, आप फरमादयो कठे जाऊं ?"

भाईजी पूछ्यो, "इसी के जरूरत आ पड़ी जिको तन्नै जाणो ई पड़सी ?"

पण बार-बार के कहणें स्यूं भाईजी रामरतनजी ने मियाँ-मोर जाणें की अग्या देदी। जोड़ी बिछड़गी, राम अजोध्या में, लिछमण बनोबास में, एकलां से हाट बजार जावणो ओखो होग्यो, जेमें तो गासियो मुंह में फिरण लाग ज्यावे। बात स्यामनै आई, तूस पर भाभी तकरार करी जद रामरतन दिसावर गयो। रामरतन स्यूं कोई ई घर में तकरार करै, अर बा भी तूस के एक पूर पर ? कालज में डीक सी उठो, मेरै बैठ्यां रामरतन ने कोई क्युई

कह दे ? अवीरचन्दजी आप की सेठाणी स्यूं बोलणो कनई बंद कर दियो ।

मेठाणी मारा उपाव कर लिया, पण बात बगुनी नहीं । धोखे मन में नाबड़े नहीं, मैं पापण यो के कर बैठी ? भार्या बीच बिछोवा करा दिया । पिमतावै की आच में मन को सारो मेल जल बलाग्यो, आम्मा कचन मी होगी, भावना ऊंची उठी । देवर देवता मो दीखण लाग्यो । देवर ही यो कनक काटें तो काटें । कागद निखलनै बैठी । आवडल्यां का आमू ही आखर बण कर कागद पर मंडग्या ।

कागद बांचतां ई रामरतन जी का रु काटा खड्या होग्या । मेरें कारण भाभी नै इत्तो बडो डड ? कीका खाणा, कीका पीणा, हा जियां का जिया गाडी चढग्या । घर में बडताई भाभी कन्न पूज्या, टाबर की ज्यू विलख २ कर गोडा में मिर दे दियो । जमना जाएँ गंगा की गोद में सिमट ज्याणी चार्व । पोल में खड्या अवीरचन्द-जी की गीली आस्था दोन्या में आ मिली तो आगणी जाएँ पिराग-राज बणग्यो । सेठ सुभाविक सनेह स्यूं फरमायो, रामरतन नै हाथ मुह धोवण दे, तूं जल पान की त्यागी कर ।

बाबू रामरतनजी बैकुंठ बासी होग्या, पण मोकें ठोकें आज ताणी कैयो आवै है—के रामरतन डागो होरघो है ?



दलजी खिजड़ो लिथो



गंटीलो गनेर, न घग्गो लाम्बो न जावक ओछो, रंग गीऊं
वग्गो, छोटी धोली खिली खिली डाढ़ी, बदन उधाई, धोती को
एक पल्लो टांग्याँ हमरो काँधां पर गेरयाँ, इलनी उमर को एक
आदमी बालाजी तथा श्री मन्थनागयगा भगवान के मंदर कानी
जावतो आवतो मन्न रोज मिन्था करता। सीयालो होवो चाये
ऊन्यालो आंधी चूकै न मेह, नित नेम स्यूँ न्हा धोकर मंदर जावै।
कई दिनां पछे वेरो पड़यो अँ दलजी ठाकर है, चूह सें ७ कोम
परै पीथीसर गांव का। कदे नामी धाड़वी हा, आज काल राय
बहादर सेठ भगवानदास जी बागलै की हवेली में रैवै है। बालाजी
की स्तुती आपकै बरणायेई भजनां स्यूँ करै है।

अँ दो एक वातां तो म्हे भी सुग राखी ही, परा एक दिन
नगर-श्री में पं० पूरानन्द जी व्यास सें आंकी दो एक वातां सावल
सुणी तो मन करयो—ई वीर की बातां लिखणी चाए। व्यासजी
म्हाराज नै ठाकर आप कैया करता, गरूजी में कदे दूसरी लुगाई
कानी आंख कोनी उठाई, की की पीठ तक की कोनी अर कैई तरै के
नसै-पत्तै के सांकड़ै गयो कोली। सारा जाणै है 'क नियां नीम कै
पेड़ के नीचै दूसरो रुख नहीं ऊँ, उमी तरियां रजपूती के रंग में
दूसरा रस आपको रंग कदेई नहीं जमाएँ सकै।

● बातों ही चाले ●

(३१)

पीथीसर में राजपूतों के साथे साथे ब्यामखानियां को भी पूरो घड़ो है, पीथीसर का कई आदमी बीकानेर राज में ऊंचे ऊंचे शौघों पर हा। दलजी का पिताजी बेगा ही गुजरग्या हा, दो सैं बीषा घरती में च्यार पांती अर मामूली पैदावार, सास्ता अकाल पढ़ें। पन्द्रा घरसा का दलजी गंगा रिसाल में भरती होएँ खातर बीकानेर पूग्या। जवाना की भरती देखए, अन्नदाता गंगासिंघजी म्हाराज आप पधारघा करता, पूछ ताछ करता। दलजी की वारी आई, अन्नदाता फरमायो—नोकरी करणो चाख है ? रजवाड़ी तोर-तरीका को दलजी नै छाने के बेरो? यो भी बेरो नहीं के सवाल करणियां खुद अन्नदाता है, बोल्या तो के धूल खाए घायो हैं ? अन्नदाता मुलबया, दलजी खातर हुकम फरमायो—ई पीथीसर हाले खिजड़ोलिये नै म्हारें अठे भेजदघो। दलजी म्हेलात के पहरेदारों में सामल होग्या, अन्नदाता की उना पर पूरी मरजी रैवती। दलजी को गलो क्युंई मुरीलो हो, म्हाराज सांव घणी बार उना स्यूं घमाल सुण्या करता।

ब्यास जी ने दलजी आप मारी बाता कैवता, बोल्या एक आदमी अन्नदाता नै पोसाक पहराया करतो। एक दिन बी को लुगाई तीन च्यार बर गेट स्यूं आई गई, मैं पहरे पर हो। मुंह आगे कर आखें जावें जद देखणो तो हो ही ज्यावें, पण वीं लुगाई के घणो के क्युंई बहम होम्पो, महल में नीचे आयो। बोल्पो न चाल्यो अर मेरे दो तीन मुक्कन-थप्पड़ आया जिस्या मार दिया।

• दातां ही नाम •

(३२)

मैं जानो हो'क वो अन्नदाता के मरचो दातां में है। पण दल्ल के तो निहानी चेला, बी की मिनती पाली घर बन्दूक को बट माथे पर मारग ने उठायो ई हो'क लुगने पर अन्नदाता धोखा। आवाज आई "हूँ"। मैं बटे ई रक्या, सोजोगन में खड़यो होख्यो। पूरी बात सुण कर अन्नदाता बी गोलें ने दसो धमकायो 'क सुन्नो होख्यो।

दलजी बोकाने रेंवता घर बां के घर का बाकी मिनव पीथीसर में ही रेंवता। दलजी की आनदया भी घगी बड़ी कोनी ही। गांव में डप्यो कोई मिनव नहीं हो जिको ई खूत घर न बाँह को सां'रो देकर राखतो। भिड़ुवां क्यागदानी को गांव में पुरो दव दत्रो हा, वो दलजी हारे घर पर आपको अधिकार जमा लियो।

दलजी सदा की ज्यूं पेर पर खड़चा हा, डाकियो एक चिट्ठी ह्या कर दलजी न दी, गांव स्यूं आई ही। चिट्ठी खोली, बांची कोई हितू घर का हाल लिखा हा दलजी किरोध घर रंज स्यूं भरग्या। दलजी घणा उदास पेर पर खड़चा। अन्नदाता कठें वारें पधारण खातर हेठे उतरचा। कायदे मुजब दलजी सैल्यू दी। घण्यां को ध्यान दलजी के चेहरे कानी गयो तो रुक्या, पूछ्यो "जुवान उदास क्यूं है?" पण दलजी दुःख से भरचा पड़चा हा बोल नई सक्या, जेव स्यूं चिट्ठी काढकर अन्नदाता जी के हाथां थमा दी।

मोटा मोटा भुंभारा, भारी भारी कटारा सी मूँछया, गौर बरग, चेहरे स्यूं तेज टपकें, कानी आँखियाँ नई उठें, अन्नदाना जो उभा हा, जाणें रजपूती रूप धार कर ऊपर स्यू ऊनरी है । कागद की एक एक ओली पर आँखियाँ का डोरा गिंचीजला लाग रँया हा । फरमायो, बयुईं करणों की हिम्मत है ? दलजी बोल्या, तम्मा घणी अन्नदाता, घणियाँ को मिर पर हाथ है तो बार कोनी लगाऊ । एमारो होग्यो ।

बदोबस्त होता के शर ही ? मना रिताल को टालवां टोरटो, बग्लूक घर तरवार हाथू हाथ मिलगी । दलजी दिन छिने पंती ६० कोम धरती काट, पीपीगर के गौरवें आ ऊमो होयो । एक दो जणों की निगं भी पटी, वला दलजी गाव वारे मुमाणां में टोरटें नें जंजाय कर अ धेरो पडनं की बाट देखें नाग्या । अ धेरो पडग्यो जगा छापलता छापलता गांव में बडघा ।

दलजी घाप की तरवार की नोक स्यूं भीये नें जगायो तो मीयो बफरायेडें सिध कीज्यू उठयो । दलजी नें गइयो देवकर घोंगं पण स्यूं बोन्यो, घरें दनिया ? मू घटें मरग नें बनु घाग्यो ? ठत्ती कहकर घापकी पोवादार साटी कानी मन्यो, पण ई बोव दलजी भीये की नाह ऊपर एक घाग बम बर करघो घर मिर मतोरो सो परं जा पड्यो ।

अब दलजी घापके ऊँट बन्न घाना घर ऊँट की टानवा ई हो, ६४ पंटा में भंबडी बीगा की मवन काटग्यो, कनु घागर

• बातों ही चालें •

(३४)

हो तो हाट मांग को चगेड़ो ई । धीमनेर मूत उरलें नाकें गाढ-
 वालें कन्नं पूंचनां पूंचनां ऊंट बेदम होग्यो, एकर कांप्यो अर
 पड़तां ई ऊंट का पिराग पमेह उड़ग्या । घोड़ी बरियां आडो
 आवगिये साथीई नें रोही में मूतयो छोड़तां दलजी को हियो भर
 आयो, पण दिन ऊगे ई ड्यूटी पर हाजर होवग्यां भोत जरूरी हो ।
 ई खानर ऊंट का गदिया, कुंची तो दलजी आप के कांध पर
 टिकाया अर बठे सेती दड़वड़यो जिको आठ बजे हाल पहर पर
 जा हाजर होयो ।

मीयें कं कतल होणै को रोलो तो चगेो ई उठ्यो, पण के
 आणी जणी ही ? हाजरी कं रजिस्टर में दलजी की हाजरी बरा-
 वर लागेड़ी ही, जद या बात कइयां मानगी में आवें 'क दलजी
 १२५ कोस को गैलो काट कर रातू-रात पाछो आग्यो । वीं कन्नं
 किसी हवाई इयाभ ही ? दूसरां दरवार को इसारो थो जिको बात
 बठै की बठै ई रैयगी ।

दलजी ठाकर एक बर रामूँ ढोली सागँ घाड़ो मारण की फिराक मे कठई जावँ हा । रामूँ ढोली दलजी के सासरँ कानी स्यूँ सँदो होग्यो हो । आछयो गाबरू जुवान हो, ऊँट नै हयेली पर उठाकर ऊँट को मुँह पूरव स्यूँ पच्छिम फेर देतो । ऊँट ऊपर शीनूँ चढ़्या बगै । सिरदारसर की रोही मे एक जुवान लुगाई उँवार में खड़ी पालो भाड़ें, सारें ई दो साढ़्या चरें । सांढ्याँ सजोरै हो, देखकर रामूँडे को मन चाल्यो । बोल्यो ठाकरां, चोखँ सूर्याँ चाल्या हा, उतरो, एक में पकड़ूँ हूँ, दूसरी नै ये टोरो । ठाकर बोल्यो, लुगाई कन्नै स्यूँ लोसा भपटी करणी आछी कोनी, आगी नै देग स्या । पण आख्यां भागँ पाँच सँ को धन खड़यो, छोड़यो किया जावँ ? रामूँ भानी नही भरँ एक साँड के मूरी घाल कर पकड़ ल्यायो । दूसरी नै ल्याण गयो जद जाटणी आपकी जेली सामकर भागँ खड़ी हो'गी । ठाकर तो ढोलीड़ें नै मोहँ बरज्यो, पण बी के जोर सूसारँ हो । मूरी घालण लाग्यो तो जाटणी भुँचाय कर जेली फटकारी जिको रामूँजी को मुह घूल में गडग्यो । ठाकर बोल्यो, स्याबास ।

ढोलीड़ें का कान सीचकर ठाकर बीनँ बँठयो करयो । जाटणी एक कानी सड़ी धूजँ । ठाकर बोल्यो, डर मतना लाडी, पण करी जिसी पाई, जा तूँ तेरो नाम कर ।

एक दिन दलजी आप के ऊँट पर चढ़्या गाँव ... के शूबँ पर ऊँट नै पाणी प्यावँ । शूबँ पर मोहला आदमी ऊभा, पणिहारपां पाणी भरँ, इतरण मे एक जुवान सो बटू गिर पर दोषड़ लांय

ठाकर के ऊंट कानी बानड़ी अर ऊंट की मुरी पकड़ कर आपके घर में चली गई अर ठाकर आपको ऊंट पकड़यां आदमियां कत खड़यो होग्यो । ठाकर नयुई सोच नई मनयो 'क के बात है ? घर मांय स्थूँ एक बढेरो आदमी वारें आयो, नाम धाम पूछयो अर बोल्यो, चीनणी थानें भीतर बुलावै है, ठाकर के अचंभो नादड़ कोनी । ऊंट नै बांधकर भीतर गयो, चीनणी आपको घूँघटो खोल्यो अर बोली, बाबाजी धारें उपगार नै भूलूँ कोनी । ये ही जिकै दिन मेरी लाज राखी, मेरी सांडयां राखी । अब जीम कर जावण देस्थूँ । ई घटना को ठाकर पर घणो असर होयो अर जद पीछै चोरी धाड़ा छोड़ कर भलें मिनखां में रैवण को ध्यान कर लियो ।



राजपूत की माँग



सिवाजी के वास्ते एक मुसलमान इतिहासकार कैयो है 'क सिवाजी आंधियां स्यूं खेल्या करतो, तोफानां पर चढ्या करतो । दलजी की जिन्दगी में भी इंगल की बातां कई बरियां गुजरी, दूसरो कोई दलजी की जगां होवतो तो कदेस को उड ज्याती ।

दलजी गंगा-रिसाले की नौकरी छोड़ दी, बंधण में रहणो मुहायो कोनी । गांव (पीथीसर) में कई कारणां स्यूं रँवणो होतो दीह्यो कोनी । सिरदार दोम प्यार साध्यां नै सेय'र धाड़ो धपियो करे लाग्या । बुरा काम का बुरा मतीजा, पकड़्या गया तो गंगासाही जेल में रोजीना भठारा सेर पीसणो पल्स पड़्यो । पण दलजी के सरीर में पोरप' भणथाक हो, भठारा सेर को पीसणो धड़ी'क में पीस कर कूडो कर देव । दलजी के सारे ही एक मुसलमान कैदी नै भी इत्तो ई पीसणो दियो जातो, पण कयुंई तो वो मुरदार हो भर कयुंई हुरामी हो ।

दिगरानी पर जमादार भी एक मुसलमान हो । एक दिन जमादार दलजी स्यूं बोल्यो, "तू तेरो पीसणो पीस्यो पछे ई नै भी स्हारो लगाया कर ।" दलजी बोल्या, कयूं, ई के बाप को नौकर हूं के ? भापसरी में तकरोर बढगो । जमादार भापकी जमादारी के जोर पर कावल् साबल् ले उठ्यो तो दलजी क्या को संब ? भाप

देख्यो न जान, भयायकर यों-नाथ एक कमनटो घर चेष्यो, जिको जमादारजी को मायो पीयो एत्यों कर्ने आपड्यो, माभा भर दिया । नकही निकामत होई, पण मांन न के आंच ही ? दलजी को नवादनी कंदियां के रगोयई में कर दियो ।

रगोयई के कंदियां में रामसीसर का एक ठाकर भी कंद काटै ता, दलजी की बात मुगु कर अनरज कर्यो अर राजी भी होया । माथ्या के बीच में बोल्या, इसे राजपूत न आपकी वेटी व्यावगी साथे । होगहार बनवान । ठाकरा के ही व्यावण साथे वेटी ही, बातों-बातां में सगाई की बात पक्की होगी । जमादार की टुकाई, दल्ल की सगाई ! भगवान की माया विचित्र है । दलजी सगाई की बधाई में दो रिपिया उधारा लेय कर अम्मल मंगायो, अम्मल गल्यो अर सारा साथी अम्मल कर्यो । ठाकर बोल्यो जेल स्यूं छूटताईं व्याव कर देख्यां । सगाई की बात च्यारुं कांती चली गई ।

रामसीसर का ठाकर कंद स्यूं क्युंई पैली छूटग्या, आपके घरां पूग्या अर बाई की सगाई की बात कैई तो घरकां के जच्ची कोनी । घर का ओलमों दियो, यो के सगारथ हूंढ्यो ? आखर आप की बडी वेटी के देवर स्यू दलजी को मांग की सगाई करदी दलजी भी कंद स्यूं छूट्या जद सुणो 'क थारली मांग तो दूसरै न बगानी है, अर व्याह भी भोत सांकड़ो ई है । दलजी न रीस ख भी होयो, पण उपाय के करै ? आखर जी को आंसरो लेणो चाए । दलजी

आया तो बेरो पड़्यो 'क भद्रदाता गजनेर
तो कन्ने कुणसी मोटर हो ? पगाई' फटकारो
र जा लिया ।

दियो, भद्रदाता भील के किनारे टैलावं है । दलजी
। भद्रदाता के सारें ठा० गोपसिंघजी ऊभाहा,
जान, जाएँ भद्रदाता के संगै ई बिघाता
नो घड़्या हा के । दलजी नै तोर की ज्यू भावता
जी सामा आया, पूछ्यो तो दलजी सारी बात
बतायो । गोपसिंघजी पाछा जाय भद्रदाता नै
। घणी भद्रदाता, दलजी खिजड़ोलियो है, आपनै
। रतो, ई की माम नै दूसरो ब्यावं है, आपका
। दलजी भद्रदाता के आगे पेस होया, घाई जिसी
। दी ।

। फरमायो, राजपूतां मे बात पलटणी की बाण
। भोत बुरो बात होवंगी । सिरदारसैर के तहसीलदार
दियो, ठाकर ठीक स्यू नई मानै तो पांव खालसै
। र लडकी नै ल्याकर दल्लै स्यू केरा दे दिया
। स्ती हुकम लेकर बी पगाई' सिरदारसैर पूग्यो ।
। रजी स्यू मिलण नै उतावलो, पण फाटे भेषां
। गो सो तहसीलदारजी कन्ने जावण दे । बठे ई
। ब्यामसानी सिपाही खड़्यो हो, दलजी नै सिकल
। रण हो, पण नाव घणी बार मुणोदो हो । बी भल्लं

आदमी दलजी ने तहसीलदारजी कम्मे भूमतां कर्द्यों । दलजी दरबार को हुकम नांतां भेज कर्द्यों, तुरता पुरन कारवाई होई । बट्टीने केरां को खारो हो रेई ही, इन्ने स्पू तहसीलदारजी दलजी ने तथा मवारां ने मागे नेवकर रामसीसर पूंज्या । ठाकरां ने दरबार को हुकम नांवां दिवायो, देवकर ठाकर सरद में आग्या । अयेड़ी बरात बंठी रेई घर दलजी पंचरो चढ्या ।

१. पं० चन्द्रशेखर जी व्यास बताई 'क भे स्थापितों के मरन पर एक बार पीसीसर गयो हो, स्वामी म्हारा जजमान है । और भी भोत लोग बंठ्या हा । दलजी भो बठे आग्या । बीं जवा गुंवार रांधणे को एक 'लो को फुड़यो पट्ठ्यां ही, जिके न हाथ में लेवकर दलजी बंठ्या बंठ्या संठोली के बल देवे ज्यूं बल दे कर साम्बो कर दियो । मन्नें घणो अचंभी होयो, जद एक आदमी बोल्हो, ब्यासजी ये दलजी है । दलजी की नाव तो सुण राख्यो हो, पण देखण को मोको जिके दिन ई लायो । केरूं वो आदमी दलजी ने राणो विवटोरिया हालो १ रिपियो दियो अर बोल्हो, ठाकरां ई रिपिये ने परख द्यो । ठाकर रिपिये ने दो आंगलियां पर घर कर अंगूठे को जोर लगायो तो रिपियो मुड़कर ढीबसियो बणग्यो, इत्तो पुरपारथ हो बीं आदमी में ।



छोटू म्हारान की बात

बीकानेर रियासत में रेल आवणें स्त्रुं पैली दिसावर जायणियां लोग पूरू सें भ्याणी या नारनोल जा कर गाड़ी पकड़्या करता । बठै ताई की मुसाफरी ऊटां पर ही होनी । रस्तें में भाराम के वास्तें मेठ भगवानदामजी बागलं की घरमसात्तांवा कई जगां बणायेड़ी शे । साढ़्या कोसा को गैलो, चोर घाड़ियां को डर बण्यो ई रेंवती । सामरथ सेठ साढ़ुकार जावतें बेई आपके बिसबासी टाकर लोगा की बोलाई राखता, बाकी का आपकी हिम्मत धर भगवान के भरोसे चाल्या करता ।

छोटूराम जी बिरामण पूरू का ई हा, पनमासा, लांबी लांबी मूँछ्यां, सिरपर दुमालो, हाथ मे लाठी राखता, छांटीला भीत हा । रयामन पांच भादमी खड्या, होवता तो भी मन में धड़की बोनी स्थायता, मीसा गोली को गुरूं आवता । भादमी न तो डील स्त्रुं गुरयो आवें घर न डोल स्त्रुं । पूजीवली फामी जोनमात्रया होभे ई किरको, जिको छोढ़जी मे धपाऊ को हो । छोढ़राम ऊंट चाल्या करता धर भाई जाया करता । बाई बेदुना नें स्थागं मेग्दाली को नाम मास्ती पड़ती रेंवती । छोढ़जी का माया गैमा जाल्या निछाल्या हा, भरोसी का भादमी हा । मेठ साढ़ुकारा गै पूरो बिस्वास हो के छोढ़राम जी लागे होना केर बनुई डर बोनी ।

मांग है, बीकी मदद करणो चाए। यूँ सोचकर छोदूजी आपकी पोसादार लाठी कांधे पर साध कर एक कानी खड़्या होँया। सेठ माँकड़े सी आयो, लाग़ा बार कर फिर्या, "छोडदे, छोडदे।" लाग़े हाला तरवारिया एक् बार तों सिर सेम्हायो पण रीठ बाजरा लाग़ी जद बीजां में पग देग्या। सेठ, मेठाणी अर टाबरिया एकला खड़्या घूजो। कंदी ने बेरो कोनी हो के अठे एक धीर मरद लग्यो खडघो है। छोदूजी आपकी पोसादार लाठी ने धुमावता बीच में कूद पड़्या, खालटिये डील में जाएँ बीजसी भरी पड़ी हो। तुरल मचादी। लाग़े जिको ई धूल चाटतो दीधे। घाडवी छोदूराम ने जाएँ हा, बोल्या, वामणियां तेरो म्हे के खोस लियो ? तूँ क्यू भाठे तल मिर माडे ? पण छोदूजी क्यांको माने।

घाडव्यां का ऊंट भी भोत मिलाया पढाया होवे है। छोदूजी ने काबू में करण खातर एक घाडवी आपके ऊंट की ठोकर छोदूजी के मरवाई, छोदूजी पड़ग्या, पण फेर उठ खड़्या होया। दूमरी ठोकर फेर पड़ी, अरके उट्यो कोनी गयो। छोदूजी जमीन पर पड़्या अर घाडव्यां की तरवार्या छोदूजी पर. छोदूजी ने सांगो-पाग छांग गेर्यो।

करम जोग की बात, छोदूराम जी जिकी बाई ने आप हाल ऊंट पर चढ़ा कर बूँटिये कानी भीर करी हो, बा देख्यो के बाबो तो आयो कोनी, गेलने के करतो रहग्यो ? बा ऊंट ने पाछो मोह दियो अर पाछो बठई था पूँची जठे सुवागत करणियां त्यार खड़ या हा। छोदूरामजी पड़्या पड़्या देखता रंग्या, या अण होणी

● वातां ही चाले ●

(४४)

कियां होई, मेरलो ऊंट अट पाव्यो कियां आयो ? पण निजोरी बात, घाड़वो मारो मालमत्तो छोट्टरामजी हाले ऊंट पर घाल कर जाता रेया । छोट्टराम जो महीना छः स्यूं खड्ग्या होया ।

“परोपकाराय सतां विभूतयः” की बात वीं दिन माम्प्रत देखण नै मिली । बोलाई की वातां चाली जद छोट्टराम जी विरामण याद जरूर आवी ।



लाख रिपियां की बात

जएनी जएँ तो दोय जए, कँ दाता कँ सुर ।

मासूम होवै है ई बात नै कँएँ वालो कवि कठैई कँई ओठर-
दानी नै दोनूँ हाथा बरसतो देखो हो । वस्तुतः पड़्या जिया सूरखीर
आप की सिर देतो बार कोनी लगावै, बीया ईँ मोको आया दातार
भी आपकी ओली भड़कावतो आगो पीछो कोनी देखै । सेठ सोहन-
लालजी दूगड़ खातर देखता देखता मेरी इसी ही धारणा बणगी ।
ओली भड़काएयाँ दातारा मे आजकाल् श्री नै नम्बर एक मातृ
हूँ । मन्दर, मंजत, गिर्जा, गुरु-द्वार नै सेठ की कुसाई का मोटा भाग
बिना भेद भाव के मिल्या है तो सभा, संस्था, कान्त्याँ भर कंदषा
तकायत का हाथ सेठ की हाँडी मे रँवता आया है । राज भर रँम्यत
का वड़ा वड़ा कर्णधार दूगड़जी के दयादान का अभिनन्दन पत्र
पढ़े है तो गाव के किनार सड़ी खुट्टियाँ मे सेठ की दियेड़ी सोड़घाँ
ओढ़्या गरीबाँ का टावरियाँ भी ईँ मिनख का गीत गावै है । सेठजी
के वारें मेँ साथी संगतियाँ स्तूँ मोकली बाताँ मिली, पाएँ अठ मेँ
आप बीती एक बात बताऊँ है, जिकी सेँ सेठ गाँव की उदारता
के सागे बाँकी व्योहार कुसलता की मो बेरो पढ़ है ।

बात सन् ५३-५४ की है । बागला हाईस्कूल मेँ श्री बिसेसर-



दयाल जो गुप्ता हेड-मास्टर हा। स्कूल में कई बातों की कमी ही। टावरों मातर पाटिया, टाउप राउटर बगेरा, मैल को मैदान तो गायों की गुवाड ही हो, बी के च्यान् मेर लोवे का तार नगज्या तो क्युई रूप मुघरे। योजना बगी, अटार्ड हजार रिपिया होवे तो काम मरज्या। बातों कई नरे की चाली, पण आम्बर सेठ सांव कानी ध्यान जस्यो। साथी मास्टर बोल्या, बिहारी ई खेल न पटावे, पूरी सम्मति स्यू प्रस्ताव पास होग्यो। जात को वामण, काम मांगण को, अब के चिन्त्या, गुप्ताजी नचीता होग्या

घन्घो मेरे डोल सारू ठीक ही सूँप्यो गयो हो। पण ई कला ने पेली कदे वापर कर कोनी देखी ही, जिके स्यू मन ओटो ओटो चाले हो। "मरज्याऊ मांगू नहीं, अपण तन के काज, पर-मारथ के कारण मोहि न आवे लाज।" ई कंवत का संकड़ी इंजे-क्शन मारचा, जद क्युई आगी न पण उठ्या। दो विद्यार्थियों के सागे जैपर में सेठा की जूरी बजार हाली गिद्दी में जा खड़यो होयो।

सवेरे की टेम ही, सेठ गिद्दी में विराजमान हा, राम रमी होई। गुप्ताजी म्हारे लोगां को परचो देकर पूरी बात टाइप करवा दी ही, रुख देखकर कागद सेठा न भलाया। सेठ क्युई बेदमाल सा दीख रया हा, खांसी स्यू परसान हा। कागद पढ़्या, मेरे स्यू बात की निगं करो। कागद ओटा देकर फरमायो, "मेरी इच्छा कोनी।" दो बार कहण की मेरी भी वाण कोनी, भट कागदा न गोजू में घाल कर टाबरिया न केयो, उठो-बेटा, अर खटा खट पेड़्या उतरग्या।

मेरे मन में जरा भी दुःख नई हो, सोच्यो, रामलीला, रास-
लीला घर गऊसाला के नांव पर नै जाणे किती क भात का भला
भादमी ई सिनख नै ख्यारता होसी । सेठ तो गुगा की खुली धारा
ई है, जरूर मेरे मे ई कोई कमी रई है । नीचे मडक पर आया ई
हा 'क ऊपर स्पू' मुनीमजी ठहरणे खातर कंयो । दो एक मिन्ट में
सेठ भी नीचे आया, आपं राम रमो करी, बोल्या ये लोग चूह स्पू
म्हारं घंठ ई आया हो ?" मैं उचलो दियो, "जी हां, दो महीना स्पू-
भडीकें हा, बेरो पड़ता ई नीचा आपको सेवा मे....." जवाब
में इत्तो कहताई सेठ मोटर कानी इमारो करता बोल्या; अब ये,
म्हारा मेहमान हो, वालो मोटर में बंठी ।

रस्ते में सेठजी आपकी की रुचि की सब्जी तरकारी खरीदी
घर मोटर कोठी पूगी । सेठ आप स्वामन मूँद पर विराज कर
म्हाने घणै मनेह स्पू जिमाया, गाढो मुपारी मेकर म्हे लोग भीर-
होए खातर नमस्कार करी तो आप गभीर भाव स्पू पूछयो—

..... मास्टरजी तीन जणां जेपर आपा, के लाग्यो ?"
मैं उचलो दियो, " जी आणै जाणै में एवागे क रिपिया पूरा हो
ज्यामी । "

सेठ केह पूछयो, " चूह में किता क मसपनि किरोदपनि है ? "
उचलो दियो, " जी मसपनि तो बोलाई है, पांच साण किरोदपनि,
भी— । "

अब सेठ जमहर बोल्या, "पक्षीग में रिपिया गाजर एवाम रिपिया
पूरा करके तीन भादमी इत्तो दूर आया, दो महीना इंगजार करयो.

शो के तो आप आदमी नोगा कोनी, के आपकी डस्कीम चोखी कोनी । अर के वो गांव नोगो कोनी जद उत्ती बड़ी बस्ती में इतना सा पीसा कोनी मिले, जद इहे भी नयुं देख्यां ? ”

लो'वे को तानो दुकड़ो जिनां ई कूटयो पीटयो जावें, बित्तो ही लांवा-चोड़ो होतो जावें । मेरो मन भी दूगड़जी की करारी चोटां स्यूं बडो होतो गया । सही मोचणो, गाच कहणो, यो भाव आत्मा में उठयो । मैं भी बित्ती ही गहगई अर अदब स्यूं बोत्यो, “सेठ सा'ब आप मन्ने लाख रिपिया दे दिया, मैं जाकर देख स्यूं तीन्यां में कुण न्याऊ है ?” राम रमी करके तीनूं जणां दरवाजे स्यूं बांरे निकल गया ।

मेरी मानता है 'क गरु, पिता अर कवि आं तीन्यां की कड़वी बाणी में भी मोकलो हित भरयो रैव है । “उत्तिष्ठ जाग्रत” की ललकार स्यूं न जाएँ कित्ताक चेतो करचो है । आज मेरी आत्मा में भी ऊंची भावना ही काम करे ही, सही बात सोचें हो, सही दिष्टी स्यूं देखें हो । सेठ मेरे मन में और भी ऊंचो लागण लागयो । स्कूल में आयो, पूरी रपोट देई, मिठास भरी मजाकां उड़ी, परा पांच सात साथी कमर कस कर खड़्या होग्या अर दो तीन दिनां में ही काम पार पड़यो ।

❖ ❖ ❖
दो महीना करीब बीतग्या । एक दिन संज्या नैं मैं स्कूल स्यूं आरयो हो 'क सेठ चन्नणमल जी पारख की हवेली आगै कई हरि-

जन भाई खड़ा-बैठा दीख्या । सोच्यो, ईं हवेली के आगे आं को के काम? बेरो पड़्यो 'क सेठ सोहनलालजी दूगड़ आयोड़ा है । सुण कर आगीन भीर होग्यो, खालतो बग्यो, पण मनकरे 'क दरसण फर' । जैपर में सेठां न वेदमाल सा देख्या हा, अब कियां है, देखूं । सेठ तो राजस्थान को रतन है, ईं अघेरें घर को दीयो है । नया नया भाव मन में आवण लाग्या, पण थमग्या, पाछो मुड़ग्यो ।

हेली में होल होल चढ्यो । पन्द्रा साल स्यूं हेली के आगे फर गये हो, पण हवेली के मांय पण टेकरा को आज पैलो ईं मोको हो । मोच हो, क्युं जाऊं हू ? कोई सुधारण ? नहीं ! मुलाकात ? नहीं, कठै एक किरोइपति, कठै मैं ? तो ? आदमी, आदमी कन्ने आवे, के चुरी बात है ? अर आदमी भी इस्यो काजबीज के जिकें स्यूं धरती ओपे । साफ मन, सौ गुणी हिम्मत स्यूं ऊपर चढ़ग्यो ।

देखतो ईं श्री रावतमलजी वेद बोल्या, आग्रो मास्टरजी । बैठक में मसंड के मारें बैठ बैठा हा । स्यामन एक कानी बैदजी अर दूसरे कानी भाई नेमचन्दजी मणोत बैठया हा । मैं गिदरें के एक कूण पर बैठण लाग्यो, पण सेठ मरकना सा बोल्या, "अठें घंठो, गरु तो आप की जग ईं ओपे ।" आग्रह में स्नेह को जोरहो, ओप्यो तो कोनी, पण बां बठायो अठें बैठणो पड़्यो । बातां चालें हो, फेर चालें लागी ।

नेमचन्दजी मणोत जोर दे रया हा के आज मंग्या को भोजन म्हारें अठें आरोगो । मेठ मांय करमा रया हा, भाजी सा का दरसण करण नं आऊंया जण हूप अठें पौऊंया । जीभण की बात

रावतमल जी स्यूं पाणी होगेरी ही । दूधजी दूध पर ही जम्मा रैया तो मेरे मन मन में भी क्युई उग जी । सेठ जी मन्ने पिछ्छाण्यो कोनी, या बात नाफ दीर्न ही । मैं मोर्न हो, कियों याद दिराऊं के मैं जेपर में आपके हाथ में जीमेरो हूं । मणोनजी कानी मुड़कर मैं बीच में ही बोल पड़्यो, "भाईजी दूध की बात ही राखो ।"

घर को बोट विरोध में पड़तो देखकर मणोनजी कैयो, "बाह मास्टरजी, बास का होकर या के बोल्यो ? मैं तो देखे हो सारे लगास्यो ।" मैं बोल्यो भाईजी, भोजन अर दूध के आग्रह को तो मेरो डोल कोनी, पण मेरो सुआरथ दुत्तोई है 'क मैं भी थारलै दूध में म्हारलै घर को थोड़ो सो पाणी मिलाद्यूं तो क्युई उरिण हो ज्याऊं ।" बात फीकी ही, पण मोर्क की होणै स्यूं नीकी होगी । रावतमलजी पूछलियो, "यो कुणसो रिण है ?" मैं थोड़ से मैं जेपर वाली बात कहदी । सेठां के भी बात याद आई, बोल्यो, "दो लड़का भी आप कै सागै हा ?" रावतमलजी बात न उठाली-राज की रीत नीत स्यूं लड़कां की हड़ताल होई, आप सौ रिपियां को काठ दियो हो; ई प्रसंग में मास्टरां के उद्योग की बात भी कह गेरी । सेठ ध्यान स्यूं सुणै हा, सेठां को कोमल सुभाव तो हो ही, बात की सच्चाई अर वातावरण को असर भी होयो । सेठ गंभीर भाव स्यूं बोल्यो, रावतमलजी, मेरे स्यूं एक पाप होग्यो, मास्टरजी जरूरत पर म्हारे घर गया अर मैं इन्कार कर दियो ।

मैं घृष्टता करी; बीच में ओजू बोल पड़्यो, "सेठां, आप म्हानै लाख रिपियां की शिक्षा दी ही, अठे आवतां ई अ

माह्वारां म्हागं इच्छा पूरी करदी ।” सेठ बोल्पा, नही, धराराध होग्यो हो, प्रब आप करमावो, या समस्या सुलभगी के ? में कंयां, “आपतो गुला भरार हो, सबकी भावना पूरी होय है, केरु जरत होयंगी तो..... ।” पण नेठ मानी कोनी, बोल्पा “नही, तड़के में स्कूल में आऊ गा, प्रायश्चित्त तो करणो ई है । सेठा के नेरा में सद्भाव उमडनो देगकर में भी गलगलो होग्यो ।

इजाजत मांग कर गोघो गुप्ताजी के घरा गयो. सारी बात बताई । गुणकर वं फौरन मिलण न गया । म्हे लोग परोपाम बणायो के सेठजी न ल्यावरण ताई हेडमास्टरजी खुद तांगो लेकर जाव । पण दूमरे दिन ठीक ग्यारा बजे सेठजी खुद ही पांच सात भले मिनतां सगं स्कूल में पूंचग्या । म्हे तो मोची ही 'क सेठजी के स्वागत लायक गामान सजोरागा, पण भावल मिर बिछायव भी कोनी कर पाया हा 'क सेठजी' आपई पधारग्या ।

सेठ सा'ब के अनुरूप सरूप तो म्हे क्युई नई कर सक्या; पण जो क्युई भी करयो वो बाने भोन गुहापो । आपके भापण में आपके मनकी सारी विधा उडेलता होया घणो पिसतावो करयो । एक बिदवान् के सगं आपकी आपमा वा इसी तुच्छ वस्तु स्यूं देई 'क लिखी नही जा सक । हिरद के उदगारा मार्ग थली को मुंह भी खुलग्यो, दो टाइप राइटर, पांचसै रिपियां को नई विचार धारा को साहित, टावरों ने सौ रिपियां की मिठाई, अनेक छात्रा ने कितावां अर कपड़ां को गुलो हुकम ।

वस्तु की मात्रा को मोल नई, वीके गुण को मोल होय है !

खी तिन दान की बिनी पवित्रता देगण न मिली, वा अनोखी ही । गिणिमां की भिन्नकार नें जदि मानगु की रिमभिम मानली जावें नो भेठ गा'व नें नांशो को वादन् ई कैणो चाहिजे । इकाई दहाई स्यू' नेकर नागां नाई' को पूरो लेगो जोत्यों जावें जद बेरो पढ़ें 'फ ई' पलन' में पूतन' में किनीक करामात है ।

×

×

एक बात और याद आ'गो, कैंये बिना कोनी रेंयो जावें । गुप्ताजी के बखत की ही बात है । स्कूल फल-फूल रई ही, हर साल सैंकड़ी की संख्या में छात्र बढ़ ज्यावना । बाणिज्य प्रधान विषय हो, पण टाइप-राइटर नें होणें स्यू' छात्रां को भरती सकी । ७०-८० लड़का बेकार फिर । संजोग स्यू' वीं बखन का शिक्षा मंत्री श्री नाथू-राम मिर्धा को पधारणो होयो. श्री कुंभारामजी आर्य भी सागे हा । स्कूल के आंगणे में नागरिका, शिक्षकां अर विद्यार्थियां के बीच खड़या होय कर मंत्री जी फुरमायो, "इन सब छात्रों को भर्ती करो, आपके पास सात मशीनें जल्दी ही पहुँच जाएंगी ।" ख़सी में तालियां बाजी । हुकम मुजब मंत्री जी को पी०ए० आपकी डायरी में या बात नोट करली । दूसरे ही दिन मारा लड़का भरती होग्या, पण टाइप राइटर कठै ? दो महीना बीतग्या, स्कूल में हड़ताल होगी ।

गुप्ताजी के जगाणै स्यू' ओझू' नई उमंग जाग पड़ी । भोली सँहाई अर टाइप राइटर ल्यावण नें कलकत्ते पूग्यो, साथियां स्यू'

जाय जे रामजी की करी । भाई रावतमलजी पारख के सागे वाली-
गंग गयो हो, रस्ते मे सेठ सा'व की कोठी आई तो भाईजी बोल्या,
"दूगड जी स्यूं मिलां, आज काले तबोयत क्युई नरम है ।"
मिलणे की भावना तो मेरे मन में भी कई बार आई ही, पण ईं
टाइप राइटर मांगणे के सिलसिले में जाणो ठीक कोनी समझ्यो ।
इव घर के आगे आया फेरकिया रंयो जावे ? ऊपर गया, सेठ
सा'व घंठ्या एक छोटी सी काकड़ी छील रंया हा । सेठजी आव-
भगत देई, कुमल प्रसन्न होया । इव के मन्नी भोलख लियो, काकड़ी
बाट कर खाई, उठता उठता मेरे भाणे को प्रयोजन पूछ लियो ।

मैं तो मेरी मंगता गिरी की बात नही कैणी चाबे हो, कारण,
जिके मिनख के धन की हर टेम दूसरां खातर धारा सी चालती
रंवे, बी न छोटे मोटे काम खातर स्मारणे ठीक कोनी, एक ही
भादमी पर लद पड़नो ठीक नई । दीवे को जागणे हाबूलां खातर
घोड़ो ई होवे है ? पण भाईजी स्कूल मे मश्री जी के आसपासन
स्यूं लगाय कर टायरा की हडताल ताणी की सारी बात बत्तादी
और सागे मा भी कहदी 'क मास्टरजी प्रयत्न कर रंया है । मैं
सकोच बस भेलो भेलो हो रंयो हो, दो एक पांवड़ा पेड़ियां कानी
भी दिया । पण मोमवर्ती आपसी भांच स्यूं आप ही पिघर्न, बी
को कोई के करे ।

भाईजी के हाथ मे कंपनियां का कंट सांग हा । सब स्यूं घणी
कीमत वाली मसोन के भापके हाथ स्यूं निसाण लगा दियो, बोल्या,

● बातां ही चाल ●

(५४)

चनणमलजी कर्न जाग्रो, बोल देयो, मोहनलाल कंयो है, इसी एक मसीन मास्टरजी नं देणी है, नटं तो मेरो नांव नं देयो । बादल के दरसणे के सुभाव नं सराऊं 'क विद्या-मंदिर के परताप नं सराऊं ? पांच की धारणा बणा कर चाल्यो हो, दस लेकर आयो ।

मरुधर के ईं लाडिसर की या बात कह कर जीभ तो अनेक बार आनन्द लियो हो, आज कलम भी कृतार्थ होगी ।

कुञ्जविहारी स्मृति ग्रन्थ माला

के

आगामी पुष्प

(१) श्री कुञ्ज विहारी स्मृति सुमन

(२) वार्ता ही चालै-भाग दूजो ।

इस में पहले भाग से अधिक बातें होंगी ।

(३) चूरु जिले की वनौषधियां ।

इस में चूरु जिले की समस्त वनौषधियों

के सम्बन्ध में अत्यंत उपयोगी और

सचित्र जानकारियां होंगी ।

1

नगर-श्री चूरू

द्वारा

चूरू जिले का राजनैतिक, सामाजिक, साहित्यिक, व सांस्कृतिक

वृहत् इतिहास

दो खण्डों में प्रस्तुत किया जा रहा है ।

चूरू जिले के अनेक महत्वपूर्ण और अप्रकाशित तथ्य

पहली बार सामने आ रहे हैं

इतिहास में अनेक दुर्लभ चित्र भी होंगे ।

पहला खण्ड मुद्रण के लिए तैयार है,

प्रति शीघ्र सुरक्षित करवाइये ।

2968.

2-9-60

10-10-60

